

第二集八



恭氏易林卷之二



觀之第二十一



觀 歷山之下虞唐所處躬耕致教名聞四海為

堯所薦禪位天子

唐當作舜

乾 蜎飛蠕動各有所配歡悅相迎咸得其處

坤 繼祀宗邑追明成康光照萬國享世久長病

疴疾不醫下即蒿蘆

此二句疑衍

屯 秋冬採巢不得鵲雛銜指北去媿我少姬

蒙 僮妾獨宿長女未室利無所得



需 洪魚逆流至人潛去蒿蓬代柱大屋顛仆

訟 日闇不明讒夫在堂右臂疾痺君失其光

師 王孫季子相與孝友明允篤誠昇擢薦舉為

國榦柱

比 麟趾龍身日馭三千南上蒼梧與福為婚道

理平易安全無患

小畜 三子成駒折損轅軸輪載空輿後時失期

履 逐福除患道德神仙避惡萬里常歡以安

泰 黃池之盟吳楚爭強句踐為患夷門不安探

穀得螽所願不喜

否 青牛白咽呼我俱田歷山之下可以多耕歲

藏時節人不安寧

呼我句一作招我于田

同人 中有頭無目赫赫粟粟一作不消耗為疾三

年不復

大有 其山沒丘浮陸為水魚燕雀無巢民無室廬

謙 高岡鳳凰朝陽梧桐雍雍喈喈奉奉萋萋陳

辭不多以告孔嘉

豫 鰥寡獨宿憂動胸臆莫與笑食

隨 躓馬破車惡婦破家青蠅汗白恭子離居  
蠱 長女二嫁進退無羞逐狐作妖行者離憂  
臨 人無足法緩行長姦地雄走歸陽不制陰男  
失其家  
噬 茹芝餌黃飲食玉英與神流通長無憂凶  
賁 東行無門西出華山道塞於難遊子爲患  
剝 壽如松喬與日月俱常安康樂不罹禍憂  
復 探穀得螽所願不喜黃池之盟吳楚爭強句  
踐爲患夷門不安

无妄 蠅螺生子深目黑醜雖飾相就衆人莫  
大畜 喜怒不時霜雪爲災稼穡無功后稷飢寒  
頤 鳥升鵲舉照臨東海老降庭堅爲陶叔後封  
爲蓼丘履祿綏厚

大過 黃離白日照我四國元首昭明民賴其福  
坎 黍稷醇醲敬奉山宗神嗜飲食甘雨嘉降獨  
蒙 福力時災不至  
離 禍不更生福過我里入門笑喜與吾利市  
咸 晝臥牢門休惕不安日不得闔鬼搔我足

焦氏易林 三  
恒 春早榮華長女宜夫受福多年世有封祿  
遯 雍門內崩賊賢傷仁暴亂狂悖簡公失位  
大壯 心壯無良猖獗妄行觸抵墻壁不見戶房  
晉 膠車秣馬不利遠賈出門爲患安止不危  
明夷 家在海隅橈短流深企立望宋無木以趨  
家人 冬桑枯槁當風快道蒙被塵埃左右勞苦  
睽 過時不行妄逐王公老女無夫不安其居  
蹇 履泥污足名困身辱兩仇相當自爲痛疾  
解 精華墮落形容醜惡齟齬挫頓枯槁腐蠹

損 長生無極子孫千億松柏爲梁堅固不傾  
益 去辛就蓼毒愈酷甚避井入坎憂患日生  
夬 行堯欽德養賢致禮衆英積聚國無寇賊  
姤 狗逐兔走俱入谷口與虎逢之迫不得去  
萃 望尚阿衡太宰周公藩屏湯武立爲侯王  
升 清人高子久屯外野逍遙不歸思我慈母  
困 三虫作蠱削跡無與勝母盜泉居不安處  
井 獵作龍身進無所前三日五夜得其所飲  
革 黃裏綠衣君服不宜淫酒毀常失其寵光

鼎 天所顧佑禍災不到安吉無懼

震 盤紆九回行道畱難止須千丘乃睹所歡

艮 暴虐失國為下所逐北奔陰胡主君旄頭

漸 御辟從龍至霍華東與禹相逢送至子邦

歸妹 銅人鐵距雨露勞苦終日卒歲無有休息

豐 大夫失宜盈滿復虧成長之木盛者滅衰

旅 梅李冬實國多盜賊亂擾並作王不能制

巽 澤枯無魚山童難株長女嫉妒使身虛空

兌 天門冬虛晉季為災隘睽默蒼秦伯舜殃

渙 褰衣涉河水深漬衣幸賴舟子濟脫無他

節 推車上山高仰重難終日至暮不見阜顛

中孚 鼎易其耳熱不可舉大路壅塞旅人心苦

小過 四亂不安東西為患退身止足無出邦域

乃得完全賴其生福

既濟 班馬還師以息勞疲役夫嘉喜入戶見妻

未濟 積德不怠遇生逢時載善一作喜渭陽身受

榮光

噬嗑之第二十一

噬嗑 麒麟鳳凰善政得祥陰陽和調國無災殃  
乾 北風相牽提笑語言伯歌叔舞燕樂以喜北  
風牽手

坤 甲戌巳庚隨時運行不失常節咸逢出生各  
樂其類達性任情

屯 破亡之虛神所憂衰進德無光留止有慶  
蒙 注斯膏澤祈衛百毒防以江南虺不能螫  
需 日月相望光輝盛昌三聖成功仁德大降  
訟 大蛇巨魚戰於國郊上下濟塞衛侯廬漕

師 龍入天關經歷九山登高上下道里險難日  
晏不食絕無甘酸

比 沙漠北塞純無水泉君子征凶役夫力殫  
小畜 關柝開啓衿帶解墮福與善生憂不爲禍  
履 狼虎所嗥患害必遭不利有爲宜以遁逃  
泰 金精耀怒帶劒過午兩虎相距弓弩滿野雖  
憂無咎

否 朽根枯樹華葉落去卒逢火焱相隨偃仆  
同人 入和出暗動作有光轉運休息常樂允康

大有 國多忌諱大人恒畏結口無患可以長存

謙 天地淳亨六合光明陰序陽順厥功以成

豫 裸裎逐狐為人觀笑牝雞鳴晨主作亂妖

隨 陰失陽復桀失其室相餒不食

蠱 蝟飛蠹動各有配偶大小相保咸得其所臨

豫

臨 鬼守我廬欲呼伯去曾孫壽考司命不許與

生相保

觀 禍走患伏喜為我福凶惡消亡災害不作

賁 智不別揚張誑妄行陷淵仆顛傷殺伯身

剝 凶憂災殃日益明章禍不可救三都夷傷

復 長尾蛟蛇畫地為河深不可涉絕無以北悵

然憤息

无妄 受我嬰女牽引不與冀幸高貴反曰下賤

大畜 鳧遊江湖甘樂其餌既不近人雖驚不駭

頤 明滅光息不能復食精魂既喪以夜為室

大過 奇適無偶習靜獨處所願不從心息勞苦

坎 葛藟蒙棘花不得實讒佞亂政使忠壅塞



離 鵲笑鳩舞來遺我酒大喜在後授我龜紐龍  
喜張口超拜福祉  
咸 搖尾逐災雲夔辟除洿泥生梁下爲田主  
恒 白鶴銜珠夜食爲明膏潤優渥國歲年豐  
遯 內執柔德止訟以默宗邑賴德禍災不作  
大壯 犬吠驚駭公拔戈起玄冥厭火消散瓦解  
晉 公悅姬喜子孫俱在榮譽日登福祿來處  
明夷 鳥鳴捕穀長欲飛去循枝上下適與風遇  
顛損樹根命不可救

家人 析薪爇酒使媒求婦和合齊宋姜子悅喜  
睽 隣不我顧而望至女身多疣癩誰當媚者  
蹇 遠視無光不知青黃黓續塞耳使君聞聾  
解 尅身整已逢禹巡狩賜我玄圭蒙受福祐  
損 遠望千里不見黑子離婁之明無益於光  
益 斧斤所斫瘡痍不息鍼口不施下卽空室  
夬 齊侯少子才略美好求我長女賤薄不與反  
得醜陋後乃大悔

姤 失儷後旅天門地戶不知所在安止无咎

萃 身孫氏女深目黑醜嗜欲不同過時无咎

升 伯駕純騮南至東華求索車馬道闕中止

困 二女寶珠誤鄭大夫君父無禮自為作笑

井 陽城太室神明所息仁者之君獨無兵革

革 反一作大蛇為殃使道不通歲收甚少年穀敗

傷

鼎 三足孤鳥靈明為御司過罰惡自殘其家毀

敗為憂坎之

震 車駕兩鞞絕馬欲步雙輪脫行至道遇害膠車

乃駕兩引如繩馬絕鞞走雙輪脫去

艮 鬱映不明為陰所傷眾霧麗集共奪日光

漸 鸛鳩鳴梟治城禦災周公勤勞綏得安家

歸妹 名成德就項領不試景公耄老尼父逝去

豐 一夫兩心岐刺不深所為無功求事不成

旅 羿張鳥號毅射天狼趙國雄勇敗於滎陽

巽 東家殺牛汚臭腥臊神皆西顧命衰絕周

兌 火起我後喜炙吾廬蒼龍銜水泉暎屋柱雖

難無咎

渙 桃雀竊脂巢於小枝搖動不安為風所吹寒  
心飄搖常憂殆危

節 徒足去域飛入東國有所畏避深藏遠匿

中孚 璫英朱草仁政得道鳧鷖在渚福祿來下

小過 陳蔡之厄從者飢瘦明德上通憂不為凶

既濟 春桃生花季女宜家受福多年男為邦君

未濟 徑邪賊田政惡傷民夫婦呪咀泰山覆顛

賁之第二十二

賁 仁政不暴鳳凰來舍四時順節民安其居

乾 八口九頭長舌破家帝辛沉酒商滅其墟

坤 鬼守我門呼伯入山去其室家捨其兆墓

屯 日出阜東山蔽其明章甫薦履箕子佯狂

蒙 戴盆望天不見星辰顧小失大福逃墻外

需 兩輪日轉南上太阪四馬共轅無有重難與

語笑言

訟 羊驚狼虎聳耳羣聚行旅稽難留連愁苦

師 齒梗生荆山命制輪班袍衣剝脫夏熱冬寒飢

出 餓枯槁眾人莫憐淋淋不計其數自為蒸餼

比肩鳥飛無翼兔走折足不常其德自爲羞辱  
小畜 條風制氣萬物出生明庶長養花葉壯茂  
履 坤厚地德萬物蕃息平康正直以綏大福  
泰 昂畢附耳將軍乘怒徑路隔塞燕雀驚駭  
否 東風啓戶黔啄翻舞各樂其類咸得生處  
同人 兩足四翼飛入家國寧我伯姊與母相得  
大有 歲暮花落陽入陰室萬物伏匿歲不可得  
謙 釋然遠咎避患高阜田獲三狐以貝爲寶君  
游子所在安寧不殆

豫 遷延卻縮不見頭日日以困急

隨 秋隼冬翔數被嚴霜雄犬夜鳴家擾不寧

蠱 班馬還師以息勞疲役夫嘉喜入室見妻

臨 老楊日衰條多枯枝爵級不進遂至摧墮

觀 順風吹火牽騎驥尾易爲功力因懼受福

噬嗑 六人俱行各遺其囊黃鵠失珠無以爲明

剝 依叔墻隅志下心勞楚王晨食韓子低頭

復 三牛生狗以戍爲母荆夷上侵姬伯出走

坤之

震需之訟  
否之姤

无妄 鶴盜我珠逃於東都鵠起追求郭氏之墟  
不見蹤跡反為禍災

大畜 外與中退舉事不遂舖糜毀齒失其道理  
頤 鴻鵠高飛鳴求其雌雌來在戶雄哺嘻嘻甚

獨勞苦炮鼈膾鯉

大過 褰衣涉河水深漬衣幸賴舟子濟脫無他

觀之  
渙

坎 虎齧龍指泰山之崖天命不佑不見其雌

離 明不處暗智不履危終年卒歲樂以笑歌

咸 三足俱行傾危善僵六指不便恩累弟兄樹

柱闕居失其正當

恒 舍車而徒亡其駮牛雖喪白頭酒以療憂

遯 析薪爇酒使媒求婦和合齊宋姜子悅喜

大壯 夜視無明不離商賈子反笑歡與市為仇

晉 徒行離車冒厭泥塗利以休居

明夷 作室山根人以為安一夕崩顛破我壺餐

家人 東山西山各自言安雖相登望竟未同堂

睽 君子在朝凶言消去驚駭逐狼不見雄英

蹇 輶輶慎慎一作輶火燒山根不潤我隣獨不

蒙恩山西山谷曰言安輶隣登望竟未同堂

解 南山之蹊其所遊德配唐虞天命為子保

佑歆享身受大慶復之比 否之豫

填 龍蛇所聚大小來處泱泱需需淡淡磻磻使

我無賴西史載...

益 旃裘若闔慕德獻服邊鄙不悚以安王國

夫 光體春成陳倉雞鳴陽明失道不能白守消

亡為咎大有 之井

姤 下泉苞稂十年無王荀伯遇時憂念周京一作

作九 之歸 妹

萃 仁德不暴五精就舍四序允釐民安其居

升 隨和重寶眾所貪有相如睨柱趙王危殆

困 鳳生五雛長於南郭君子康寧悅樂身榮

井 二人為旅俱歸北海入門上堂拜謁王母勞

賜我酒女功不喜

革 逐憂除殃洿泥生梁下田為王思共吾母公

鼎 東門之墀茹蘆在阪禮義不行與我心反

震 鳧遇稻蘆甘樂麤鱖雖驅不去  
艮 清人高子久屯外野逍遙不歸思我君母公  
子謁請王孫嘉許

漸 讒佞所言語不成全虎狼之患不為我殘

歸妹 張羅捕鳩鳥麗其災雌雄俱得為網所賊

剝之  
歸妹

豐 安仁尚德東隣慕義來安吾國

旅 猾醜假誠前後相違言如鼈咳語不可知

巽 懷璧越鄉不如遠行蔡侯兩裘久苦流離

兌 伯氏歸國多所恨惑車頓蓋傾身常驚惶乃

得其願雌雄相從

渙 火石相得乾無潤澤利少囊縮

節 君明聖哲嗚呼其友顯德之徒可以禮仕

中孚 騎豚逐羊不見所望徑涉虎廬亡豚失羊

乾之  
蹇

小過 玄黃虺隤行者勞罷役夫樵悴處子猥衰

既濟 右手掩目不見長叔失其所得悔吝相仍

未濟 免冠進賢步出朝門儀體不正賊孽為患

否之

剝之第二十三

剝行觸大諱與司命忤執囚束縛拘制於吏憂

人有喜

中孚之震

乾 穿胸狗邦僵離旁春天地易紀日月更始師

謙

坤 從風縱火荻芝俱死三害集房十子中傷

屯 北山有棗橘柚所聚荷囊載擔香盈筐筥

蒙 齋金贖狸不聽我辭繫於虎鬚牽不得來否

革需之睽震之咸巽之需

需 上下惟邪寡婦無夫歡心隔塞君子離居

訟 二人輦車徙去其家井沸釜鳴不可安居復

旅

師 蹇驢不才駿驥失時筋力勞盡罷於沙丘履

巽

比 明傷之初為穆出郊以讒復歸名曰豎牛剝

亂叔孫飫於空丘其四章

小畜 天火大起飛身驚駭作事不時自為多咎



履 土與山連其保歲寒終無災患萬世長安  
泰 日出阜東山蔽其明章甫薦履箕子佯狂之貴

否 龍馬上山絕無水泉喉焦唇乾口不能言之乾

訟

同人 雄處弱水雌在海濱將別持食悲哀於心

大有 庭燎夜明追嗣日光陽軟不至陰雄生戾

謙 三婦同夫忽不相思志恒不愁顏色不怡

豫 鶴盜我珠逃於東都鵠怒追求郭氏之墟不

見武跡反為患災豫之明夷

隨 沐猴冠帶盜在非位眾犬共吠倉狂蹶足

蠱 黍稷禾稻垂畝方好中旱不雨傷風病槁

臨 雄聖伏名人匿麟遠走鳳飛北亂禍未息中孚

之損

觀 三母多福天祿所伏居之寵光君子有福

噬嗑 被服文德升入大麓四門雍肅登受大福

賁 褰裳涉河水流漬衣幸賴舟子濟脫無他之觀

渙賁之大過坤之萃

復 班馬還師以息勞疲役夫嘉喜入戶見妻觀之

既濟貴之蠱

无妄 東隣嫁女為王妃后莊公築館以尊王母

歸于京師季姜悅喜

大畜 百足俱行相輔為強三聖翼事王室寵光

屯之履晉之坤遯之復

頤 危坐至暮請求不得膏澤不降政戾民忒泰之

離需之頤漸之坎

大過 百川朝海泛流不止路雖遼遠無不到者

坎 乘騶駕驪東至于濟遭遇仁友送我以資厚

得利歸

離 禮壞樂崩陰請不當成子傲慢為簡生殃欲

求致理力疲心爛

咸 一人輦車乘入虎家王母貪饕盜我犂牛

恒 羊頭兔足少肉不飽漏囊敗粟利無所得渙之

艮

遯 新田宜粟上農得穀君子懷德以千百福恒之

離

大壯 夷羿所射發輒有獲雙鳧俱得利伐王國  
 晉 鳧舞鼓翼嘉樂堯德虞夏美功要荒賓服  
 明夷 登丘上山對酒遇歡終年卒歲優福無患  
 家人 歲暮花落陽入陰室萬物伏匿藏不可得  
 睽 螟虫為賊害我禾穀甕瓶空虛飢無所食  
 蹇 陽虎脅主使德不通炎離為殃年穀患傷  
 解 四馬共轅東上泰山駢驅同力無有重難與

君笑言 渙之豐

損 牧羊稻園聞虎喧謹畏懼悚息終無禍患 隨

漸升之否中孚之小過

益 陽花不時冬實生危憂多橫賊生不能服崑  
 崙之玉取求必得

夬 高阜所在陰氣不淋洪水不處為家利寶  
 姤 釋然遠咎避患革害田獲三狐以貝為寶君  
 子所在安寧不殆

萃 兩目失明日奪無光脛足跛曳不可以行頓  
 於丘旁亡妾莫逐鬼然獨宿

升 鴻飛循陸公出不復伯氏客宿 中孚之同人

困 佩玉纍葉無以繫之孤怨獨處愁哀相憂一作

桑方云云

井 載船渡海雖深何咎孫子俱在不失其所

革 鵠求魚食道遇射弋繒加我頸繳縛兩翼欲

飛不能為羿所得

鼎 泥面亂頭忍恥少羞日以削消

震 桑方將落損其黃葉失勢顛倒如無所立一作

佩玉云云

艮 巨蛇大鱗戰於國邦上下隔塞主君走逃之吳

臨

漸 已動死連商子揚砂石胡貉擾軍鼓振吏士

苦

歸妹 張羅搏鳩鳥麗其災雌雄俱得為網所滅

一作二人同行別離持食一身五心亂無所得賁之歸妹

豐 三聖相輔身獸喜舞安樂富有二人諧偶

旅 三奇六偶相隨俱市王孫善賈先得利寶居

止不移大盜為咎

巽 三人俱行一人言北伯叔欲南少叔不得中

路分道爭鬪相賊

歸妹之中字

兌 播天舞地擾亂神所居樂无咎言不信誤

渙 坐爭立訟紛紛洶洶幸成禍亂災及我公過

離之

節 蛇行蜿蜒不能上阪履節安居可以無憂

中孚 隙大墻壞蠹衆木折狼虎爲政天降罪伐

高殺望夷胡亥以斃

小過 陽不違德高山多澤顏子逐兔未有所得

既濟 心多畏惡時愁日懼雖有小咎終無大悔

未濟 衆神集聚相與議語南國虐亂百姓愁苦

舉師征伐別立賢主

復之第二十四

復 周師伐紂尅於牧野甲子平旦天下悅喜

乾 任武負力東征不伏陷履泥塗雄師敗覆

坤 義不勝情以欲自營覲利危躬折角摧頸

屯 懸狃素食非其任失輿剝廬休坐徙居室

家何憂

蒙 鷓鴣娶婦深目窈身折腰不媚與伯相背

需 東風解凍河川流通西門子產陞擢有功  
訟 案三足俱行傾危善僵六指不便累恩弟兄樹

柱闕車失其正當責之 咸

師 京庾積倉黍稷以興極其疾至以厭飽食

比 南山之蹊真人所在德配唐虞天命為子保

佑歆享身受大慶責之 解

小畜 車馳人趨卷甲相仇齊魯寇戰敗於犬丘

坤之 兌

履 十五許室柔順有德霜降歸嫁夫以為合先

王日至不利出域

泰 任力劣薄遠托邦國輔車不僵為癰所傷

否 千載舊室將有困急荷糧負囊出門直北

同人 惡災殆盈日益章明禍不可救三郤夷傷

大有 冠危載患身驚不安與福馳逐凶來入門

謙 虎狼並處不可以事忠謀轉改禍必及已退

隱深山身乃不殆

豫 卵與石鬪糜碎無處挈瓶之使不為憂懼

隨 五心六意岐道多怪非君本志生我恨悔

蠱 雨雪載塗東行破車旅人無家

臨 尚利壞義月出平地國亂天常咎徵滅亡

觀 東行破車步入范家衡門穿射無以為主賣

袍續食糟糠不飽

噬嗑 逐金出門并失玉几往來井上甕破缺盆

賁 春孟醴酒使君壽考南山多福宜行賈市秋

梁雌雉所至利喜

剝 持刃操肉對酒不食夫亡從軍長子入獄抱

膝獨宿

无妄 騎牛傷暑不能成畝草萊不墾年歲無有

大畜 南邦大域鬼魅滿室謹聲相逐為我行賊

頤 樽樽所言莫如我垣歡樂堅固可以長安

大過 堯舜禹湯四聖敦仁允施德音民安無窮

旅人相望未同朝卿

坎 桎梏拘獲身入牢獄髡刑受法終不得釋耳

閉道塞求事不得

離 跖並桀處民困愁苦行旅遲遲畱連齊魯

咸 求雞獲雉買鼈失魚出入均貨利得無餘齊

姜宋子婚姻孔喜  
 雨師駕駟風伯吹雲秦楚爭強施不得行  
 遜仲冬兼秋鳥散飲憂困於米食數驚鷓鴣  
 大壯 三抵上山俱至陰安遂到南陽完其芝香  
 兩崖相望未有枕牀

晉 飛之日南還歸遼東雌雄相從和鳴雍雍解  
 我胸春

明夷 堯飲舜舞禹拜上酒禮樂所豐可以安處  
 保我淑女

家人 太乙置酒樂正起舞萬神攸同可以安處  
 綏我齒兒

睽 白馬駢驅生乳不休富我商人得利饒優  
 蹇 蹠馬疾步盲師坐御目不見路中止不到  
 解 春桃萌生萬物華榮邦君所居國樂無憂  
 損 把珠入口蓄為玉寶得吾所有歡然嘉喜

益 襦燒袴燔羸剝飢寒病症凍攣  
 夫 水沫沉浮沮溼不居為心疾憂  
 姤 行如桀紂雖禱不祐命衰絕周文君之祀



萃 蟬蛸戴盆不能上山脚摧跛蹶損傷其頭

升 長子入獄婦饋母哭霜降旬甚嚮晦伏法

困 求犬得兔請新遇故雖不當路踰吾舊舍

井 鳥鳴葭端一呼三顛動搖東西危而不安靈

符禱社疾病無患

革 天厭禹德命興湯國祓社釁鼓以除民疾

鼎 陰霧作匿不見白日邪徑迷通使君亂惑

震 猿墮喬木不跛手足握珠懷玉還歸我室屯

豫蒙之隨

艮 三驪負衡南取芝香秋蘭芬馥盈滿匣匱利

我少姜

漸 春生孚乳羽毛成就舉不失宜君臣相好盜

走奔北終無所悔

歸妹 東行破車還反室家天命訖終無所禱凶

豐 九雁列陣雌獨不羣為罾所牽死於庖人

旅 二人輦車從去其家井沸釜鳴不可以居從疑

徒作

巽 閉塞復通與喪相逢甘棠之人解我憂凶

兌 賦斂重數政為民賊杼軸空虛家去其室  
渙 怒非其怨貪妒腐鼠而呼鵲鴟自令失餌倒  
被災患

節 簪跌帶長幽息最苦瘠貌少疲以疾病降

中孚 三人俱行各別採桑蘊其筐筥留我嘉侶  
得歸无咎四月來處

小過 逐鳩南飛與喜相隨并獲鹿子多得利歸

雖憂无危

既濟 驅羊南行與禍相逢狼驚吾馬虎盜我子

悲恨自咎

未濟 東隣西國福喜同樂出得隋珠畱獲和玉  
俱利有息

无妄之第二十五

无妄 夏臺羨里湯文厄處臯陶聽斷岐人悅喜  
西望華首東歸无咎

乾 儋耳穿胸纏離勞春天地易紀日月更始蝮  
螫我手痛為吾毒

坤 慈母之恩長大無孫消息襁褓害不入門

屯 譌言妄語傳相誑誤道左失跡不知郎處

蒙 鬱映不明陰積無光日在北陸萬物彫藏

需 主母多福天祿所伏居之寵昌君子有光

訟 不耕而獲家食不給中女無良長子跛足疎

齒善市商人有喜

師 火起上門不為我殘跳脫東西獨得生完不

利出隣病疾憂患

比 持刀操肉對酒不食夫亡從軍少子入獄抱

膝獨宿

復之 剝

小畜 鱗蝦去海遊於枯里街巷迫狹不得自在

南北四極渴餒成疾

履 啞啞笑語與歡飲酒長樂行觴千秋起舞拜

受大福

泰 登高上山賓於四門士伍得歡福為我根

否 天厭周德命與南國以禮靜民兵革休息

同人 壅遏隄防水不得行火光盛陽陰魄伏匿

走歸其鄉

大有 河海都市國之奧府商人受福少子玉石

一作食

謙東行避兵南去不祥西逐凶惡北逃福生與

喜相逢

豫東家中女媠母景醜三十無室媒伯勞苦

隨破亡之國天所不福難以止息

蠱驂駕寒驢日暮矢時居者無憂保我樂娛

臨蝮蝮之側佞幸傾惑女謁橫行王道充塞

觀三殺五羊相隨並行迷入空澤有谷直北徑

涉六駮為所傷賊

噬嗑戴喜抱子與利為友天之所命不憂危殆

荀伯勞苦西來王母

賁織縷未就針折不復女工多態亂我政事

剝行露之訟真女不行君子無食使道壅塞

復羿張烏號殼射天狼鐘鼓不鳴將軍振攘趙

國雄勇鬪死滎陽

大畜延頸望酒不入我口商人勞苦利得無有

夏臺羨里難為復喜

頤冠帶南遊與喜相期邀於嘉國拜位逢時坎

井

大過 東西觸垣不利出門魚藏深水無以樂賓

爵級摧頽光威咸衰

坎 兩母千子轉息無已五乳百雛駢駁驥駒

離 重黎祖後司馬太史陽氏之災離宮悲苦

咸 內執柔德止訟以默宗邑賴福禍災不作

恒 采唐沫鄉邀期桑中失信不會憂思約帶一作

牛驥同堂郭氏以亡國破為墟君奔走逃與之乾師之噬嗑

遯 官成立政衣就缺袂恭謙為衛終無禍尤

大壯 麒麟鳳凰子孫盛昌少齊在門利以合婚

貴人大歡

晉 亂危之國不可涉域機機發發身頓僵覆

明夷 千雀萬鳩與鷄為仇威勢不敵雖眾無益

為鷹所擊萬事皆失

家人 眾神集聚相與議語南國虐亂百姓愁苦

與師征討更立賢主

剝之未濟屯之節小畜之豫

睽 顏淵問騫以禮自閑君子所居禍災不存

蹇 三桓子孫世秉國權爵勢上卿富於周公

解 鶴鳴九臯處子失時載土販鹽難為功力

損 方軸圓輪車行不前組囊以錐失其事便還

師 振旅兵革休止

二句疑衍文

益 魚擾水濁桀亂我國駕龍出遊東之樂邑尺

賜我樂與生為福

夬 白虎黑狼伏伺山陽遮遏牛羊病我商人

姤 履危不安疎顛我顏傷腫為癥

萃 三人輦車東入旁家主母貪饕盜我資財亡

大失犁牛

升 三鶴南飛俱就塘池蝦鮓饒有利得過倍

困 鷹棲茂樹候雀往來一擊獲兩利在枝柯

井 堯舜欽明禹稷股肱伊尹往來進履登堂顯

德之徒可以輔王

革 枯旱三年草萊不生桑盛空乏無以供靈

鼎 方口圓舌為知樞門解釋鈞帶商旅以歡

震 鳧池水溢高陸為海江河橫流魚鼈成市千

里無墻鸞鳳游行

艮 烹魚失刀駕車馬亡錫刃不入魴鯉腥臊

漸 戎狄踣踞無禮貪饕非吾族類君子攸去  
歸妹 渡河踰水狐濡其尾不為禍憂捕魚遇蟹

豐 利得無幾益高固也  
河出小魚不宜勞煩苛政害民君受其患

旅 偃武修文兵革休安清人逍遙來歸空閒  
巽 九疑鬱林沮溼不中鸞鳥易去君子不安

兌 搏狷逢虎患厭不起遂至權國與福笑語君  
子樂喜

渙 狗生龍馬公勞嫗苦家無篋篋折悔為吝

節 嬰孩求乳慈母歸子黃麕悅喜得其甘餌

中孚 有兩赤鷄從五隼操操矢無筈趣釋爾射  
扶伏聽命不敢動搖射一作財

小過 伊尹智士去桀耕野執順以強天祐无咎  
既濟 逐鹿山西利入我門陰陽和調國無災殃

長子東遊須其三仇二句從  
未濟 龍興之德周武成福長女宜家與君相德

長股遠行狸且善藏

大畜之第二十六

大畜大朝鮮之地姬伯所保宜人宜家業處子孫

求事大喜

乾 金柱鐵關膠固衛災君子居之安無憂疑

坤 轉禍為福喜來入屋春城夏國可以飲食保

全家室

屯 水暴橫行浮屋壞墻泱泱溢溢市師驚惶居

止不殆與母相保

蒙 虎豹熊羆遊戲山隅得其所欲君子無憂旅

人失利市空無人

需 躬禮履仁尚德止訟宗邑已安三伯無患

訟 江淮易服玄黃朱飾靈公夏徵哀禍無極高

位崩顛失其寵室

不虞之患禍至無門奄忽暴卒痛傷我心蒙之

明夷

比 三塗五岳去危入室凶禍不作桀盜堯服失

其寵福貴人有疾

小畜 配合相迎利之四鄉昏以為期明星煌煌

欣喜爽澤所言得償



履三首六身莫適所閒更伏搖動動失事宜箕  
子佯狂國乃不昌

泰其虎臥山隅鹿過後胸弓矢設張猾為功曹伏

不敢起遂全其軀得我美章大有之訟

否麟鳳執獲英雄失職自衛反魯畏昧不起福

祿訖已

同人 樂子作殃伯氏誅傷州犁奔楚失其寵光

大有 黃帝出遊駕龍乘馬東至泰山南過齊魯

王良御右文武何咎不利市曹

謙 齊魯爭言戰於龍門遘怨致禍三世不安

豫 道禮和德仁不相賊君子往之樂有其利

隨 姬妒公姥毀益亂類使我家憤利不得遂

蠱 一巢九子同公共母柔順利貞君子不殆福

祿所在

臨 崔嵬北岳天神貴客温仁正直主布恩德閔

哀不已蒙受大福

觀 三蛆逐蠅陷墮釜中灌沸淹殪與母長訣

噬嗑 東山西陵高峻難升滅夷掘壘使道不通

商旅無功復反其邦  
常德自如不逢禍殃  
福祿自來

剝 范子妙材戮辱傷膚  
後相秦國封為應侯  
復 狼虎結謀相聚為儔  
同嚙牛羊道絕不通病

我商人

无妄 不宜杜公與我爭訟  
媒伯無禮自令塞壅

頤 上天樓臺登拜受福  
喜慶大來

大過 三羊上山東至平康  
黃龍服箱南至魯陽

完其珮囊執綏車中行人有慶

坎 天地閉塞仁智隱伏  
商旅不行利深難得

離 延陵適魯觀樂太史東隣  
白顛知泰興起卒

兼其國一統為主

咸 索戢甲兵歸放馬牛  
徑路開通國無凶憂

有朽墻難鑿  
疾病難治

恒 牛驥同堂郭氏以亡國破  
為墟君奔走趨

遯 大尾小腰重不可搖  
揀撓攘壞臣為君憂湯

火之言消不為患使我復安

大壯 太乙置酒樂正起舞  
萬福攸同可以安處

保我覲齒 一下有暗空無餌不利為旅

晉 飲酒醉酣跳起爭鬪伯傷叔僵東家治喪

明夷 陵險難登澗中多石車馳轄擊重載傷軸

擔負善躓跌踈右足

家人 爭訟不已更相咨詢張李弱口被髮北走

一下有耳順從心躬行至仁不須以兵天下太平

睽 心志無良傷破妄行觸墻抵壁不見戶房先

王閉關商旅委棄

蹇 鸚鵡鴟鴞治成御災綏德安家周公勤勞

解 清人高子久屯外野逍遙不歸思我慈母

損 兩虎爭鬪股創無處不成仇讐行解却去

益 天女推牀不成文章南箕無舌飯多沙糖虐

眾盜名雄雞折頸

夬 太子扶蘇出於遠郊佞幸成邪改命生憂慈

母之恩無路致之

姤 寒暑相推一明一微赫赫宗周榮光滅衰

萃 雞狗相望仁道篤行不吠昏明各安其鄉周

鼎和餌國富民有八極蒙祐

升 窻牖戶房通利明光賢智輔聖仁施大行家  
給人足海內殷昌

困 雨雪三月鳥獸飢乏旅人失宜利不可得機  
言解患以療篤難危身復安

井 白鵠銜珠夜食為明膏潤優渥國歲年豐中  
子來同見惡不凶

革 從豕牽羊與虎相逢雖驚不凶

鼎 鳧雁啞啞以水為宅雌雄相和心志娛樂得  
其所欲大有之歸妹

震 逐狐平原水竭我前深不可涉暮無所得

艮 窟室蓬戶寒賤所處千里望烟渙散四方形  
休滅亡下入深淵終不見君

漸 桀紂之主悖不堪輔貪榮為人必定其咎聚  
斂積實野在都邑未來我室

歸妹 倉庫盈億年歲有息商人畱連雖久有得  
陰多陽少因地就力

豐 泰山不然鈞鯉失綸魚不可得利去我北一作

三人同福以典周國君子安息

旅 童女無媒不利動搖安其室廬待母動憂  
 吳 載風雲母遊觀東海鼓翼千里見吾愛子  
 兌 鴻盜我襦逃於山隅不見其迹使伯心憂  
 渙 夜視失明不利遠鄉閉門塞牖福為我母  
 節 三狗逐兔於東門路利以進取商人有得  
 中孚 武王不豫周公禱謝載璧秉圭安寧如故  
 小過 同載共車中道別去爵級不進君子下輿  
 既濟 六雁俱飛遊戲稻池大飲多食食飽無患  
 未濟 符左契右相與合齒乾以坤利季生六子

長大成就風言如母不利為咎

頤之第二十七

頤 家給人足頌聲並作四夷賓服干戈卷閣  
 乾 思初道古哀吟無輔陽明不制上失其所  
 坤 江河淮海天之與府眾利所聚可以饒有樂  
 我君子

屯 三雁俱飛避暑就涼適與贈遇為繳所傷  
 蒙 秋南春北隨時休息處和履中安無憂凶  
 需 履危無患逃脫獨全不利出門傷我左膝疾

病不食鬼哭其室

訟 東家凶婦怨其公姥毀盤破盆棄其飯食使

吾困貧

師 泥滓汗辱棄損溝瀆衆所笑哭終不顯錄

比 旦往暮還吝與相存身無患凶

小畜 六翮長翼夜過射國羿氏無得

履 蜂蠆之國難以止息嘉媚之士爲王所食從

去其室

泰 被狐乘龍爲王道東過時不返使我憂聾

否 電梅零墜心息情憤懷憂少愧亂我魂氣

同人 長女三嫁進退多態牝狐作妖夜行離憂

大有 轟轟鞦韆驅東逐西盛盈必毀高位崩顛

謙 乘船涉濟載水逢火賴得無患蒙我全生

豫 德至之君政仁且溫伊呂股肱國富民安

隨 生不逢時困且多憂無有冬夏心常悲愁

蠱 南歷玉山東入生門登福上堂飲萬歲漿

臨 大斧斫木讒人敗國東關二五禍及三子晉

人亂危懷公出走

觀人入室百孫公悅姬歡相與笑言家樂以安  
 噬嗑 隨陽轉行不失其常君安於鄉國无咎殃  
 賁 羣虎入邑求索肉食大人禦守君不失國  
 剝 弱足別跟不利出門商賈無贏折崩為患湯  
 火之憂轉解喜來

復 夏臺幽戶文王厄處鬼侯飲食岐人悅喜  
 无妄 棟燒攘壞廊屋大敗宮闕空廓如冬枯樹  
 大畜 讒以內安不利其國室家大懼幽囚重閉  
 疾病多求罪亂憤憤

大過 六龍俱怒戰於陂下蒼黃不勝旅人艱苦  
 坎 天下雷行塵起不明市空無羊疾人憂凶三  
 木不喜脫歸家邦

離 一指食肉口無所得染其鼎鼐舌饒於腹  
 咸 喜笑不常失其福慶口辨言齟行者畏忌  
 恒 毛生毫背國樂民富侯王有德  
 遯 豮豕童牛害傷不來三光同堂生我福仁  
 大壯 江河淮濟盈溢為害邑被其癩年困無歲  
 晉 兩虎爭鬪股瘡無處不成仇讐行解却去

明夷五嶽四瀆潤洽為德行不失理民賴恩福  
 家人載車乘馬南逢君子與我嘉福離憂无咎  
 睽缺囊破筐空無黍梁不媚始公棄於糞場  
 蹇殺行桃園見虎東還螳螂之敵使我無患  
 解箕仁入室政衰弊極抱其彝器奔於他國因  
 禍受福

損庭燎夜明追古傷今陽弱不制陰雄坐戾  
 益懸恒素食非其任失輿剝廬休坐徙居  
 夫嘉聞福喜繒帛盛織日就為得

妬執綏登車驂乘東遊說齊解燕霸國以安  
 萃水深無桴蹇難何遊商伯失利庶人愁憂  
 升三鳥鴛鴦相隨俱行南到饒澤食魚與梁君  
 子長樂見惡不傷

困遠視目盼臨深苦眩不離越都旅人留難  
 井終風東西渙散四方終日至暮不見子權  
 革言無要約不成券契殷叔季姬公孫爭之疆  
 入委命不悅我心

鼎牛馬聳憤不知聲味遠賢賤仁自令亂憤疾



病無患生福在門

震 從商近遊食飽無憂囹圄之困中子見囚

艮 据斗運樞順天無憂與樂並居

漸 姬奭姜望為武守邦藩屏燕齊周室以彊子

孫億昌

歸妹 亡羊東澤循隄直北子思其母隨返其所

豐 張鳥開口舌直距齒然諾不行政亂無緒

旅 載船逢火憂不為禍家在山東入門見公

巽 絕國異路心不相慕蛇子兩角使我相惡

兌 鼻項移徙居不安坐枯竹後生失其寵榮

渙 火息無光千歲不長殷湯遠明

節 文王四乳仁孝篤厚子蓄十男無有折夭

中孚 熊羆豺狼在山陰陽伺鹿取麀道伏畏難

小過 彫葉被霜獨蔽不傷駕入喜門與福為婚

既濟 黃離白日照我四國元首昭明民賴為福

一作有漢有游  
女人不可得

未濟 順風直北與歡相得歲熟年豐邑無盜賊

一下有長女行嫁子  
孫不昌棄疾為殃

大過之第二十八

大過 典冊法書藏在蘭臺雖遭亂潰獨不遇災

乾 日在北陸陰蔽陽日萬物空虛不見長育

坤 鬼泣哭社悲商無後甲子昧爽殷人絕祀

屯 涉塗履危不利有為安坐垂堂乃無災殃明

戶自開君憂不昌

蒙 陽失其紀枯木復起秋華冬實君不得失

需 大樹之子百條共母當夏六月枝葉盛茂鸞

鳳以庇召伯避暑翩翩偃仰各待其所

訟 秉鉞執戈挑戰先驅不役元帥敗破為憂商

師 啓室開門巡狩釋寃夏臺羨里湯文悅喜

比 衰滅無幾淵溺在頃吠狗夜驚家乃不寧

小畜 西隣小女未有所許志如委衣不出房戶

心無所處傳母何咎

履 狗吠夜驚履鬼頭頸危者弗傾患者不成

泰 當年少寡獨與孤處雞鳴犬吠無敢難者我

生不辰獨嬰寒苦

否 無道之君鬼哭其門命與下國絕不得食

同人 乘龍南遊夜過糟丘脫厄曾憂

一下有增絕魯傷羿

不得美

大有 馬躓車傷長舌破家東關二五晉君出走

謙 瓜花瓠實百女同室醯苦不熟未有配合

豫 晨風文翰火舉就温時過我邑羿無所得

隨 滉滉促促塗泥至轂雨濘不進虎嚙不得

蠱 膠車駕東與雨相逢放革懈惰頓禹 一作獨

坐憂不為禍

臨 六家作權公室剖分陰制其陽唐叔失時

觀 去室離家來奔大都火息復明姬伯以昌商

人失功

噬嗑 牧羊稻園逢虎喧謹危懼喘息終無禍患

賁 嬰兒求乳母歸其子黃麋悅喜乃得甘飽

剝 廓落失業跨禍變福利無所得

復 出入無時憂患為災行人失牛利去不來若

馬遣駒勿與久居

无妄 風怒漂木女感生疾陽失其時陰孽為賊

大畜 車馬疾傷不利越鄉幽人無貪去晦就明

頤百三奇六耦各有所主周南召南聖人所在德

天義流行民悅以喜風主義則

坎鼎坐爭立訟紛紛詢詢卒成禍亂災及家公

離凶憂為殘使我不安從之南國以除心疾

咸愛我嬰女牽引不得冀幸高貴反目下賤

恒宜行賈市所取必倍載喜抱子與利為友

遯坐席未温憂來扣門踰墻北走兵交我後脫

於虎口

大壯赤帝懸車廢職不朝叔帶之災君子記廬

晉子畏於匡厄困陳蔡明德不危竟自免害

明夷逐雁南飛馬疾牛罷不見漁池失利憂危

牢戶之冤脫免無患

家人推輦上山高仰重難終日至暮不見阜巔

睽憂不為患福在堂門使君偃安

蹇春桃生華季女宜家受福多年男為邦君

解高山之巔去地億千雖有兵寇足以自守

損過時歷月役夫憔悴處子歎室息我伯叔

益太微復明說升傳巖乃稱高宗一作疾在頭頸和不能生

滅其令名

夫 旁多小星三五在東早夜晨行勞苦無功

姤 東鄉煩煩相與笑言子般鞭革圉人作患

萃 鼻移在頭枯葦復生下朽上榮家乃不寧其

舍不成

升 蝦蟆羣聚從天請雨雲雷集聚應時輒與得

其所願

困 大步上車南到喜家送我貂裘與福載來

井 賊仁傷德天怒不福斬刈宗社失其土宇

革 從狷見虎雖危無殆終已不處

鼎 履行素德卒蒙祐福與堯侑食君子有息

震 利在北陸寒苦難得憂危之患福為道門商

叔生存

艮 四蹇六盲足痛難行終日至暮不離其隣

漸 臺駘昧子明知地理障澤宣德封居河漢

歸妹 畜水待時以備火災柱車絆馬郊行出旅

可以无咎

豐 歲暮花落君衰於德榮寵隕墜陰棄其室

旅 夏敗蔡悲千里為市黃落澆鬱利得无有  
 與 仲春巡狩東見羣后昭德允明不失其所  
 兌 冽潔縲縲締構難解蠓母銜嫁媒不得坐自  
 為身禍

渙 鳥嚙夜中以戒災凶重門擊柝備憂外客  
 節 朝霽暮露織我衣濡道無行牛

中孚 抱璞懷玉與桀跖觴詘坐不申道無良人  
 小過 兩心相悅其其蒹藹夙夜在公不離房中

得君子意 蒹藹一作茅蘆

既濟 載餽茹田破鉏失餐苗稼不闕獨飢於年  
 未濟 甘露醴泉太平機關仁德感應歲樂民安

屯之謙

坎之第二十九

坎 有鳥黃足歸呼季玉從我睢陽可避刀兵與  
 福俱行有命久長

乾 太王為父季歷孝友文武聖明仁德興起孔  
 張四國載福綏厚

坤 猿墮高木不蹶手足保我全生還歸其室

屯 重耳恭敏遇讒出處北奔戎狄經涉齊楚以

秦代懷誅殺子圉身為伯主

蒙 倚鋒據戟傷我胸臆耗折不息

需 狗冠雞步君失其所出門抵山行者憂難水

灌我園高陸為泉

訟 衆鳥所翔中有大惟文身長頸為我驚憂

師 虎行相逐未有休息戰於平陸為夷所覆

比 禹鑿龍門通利水泉同注滄海民得安然

小畜 堯舜仁德養賢致福衆英積聚國無寇賊

履 陸居少泉山高無雲車行千里塗不污輪渴

我為怨

泰 朝不見光夜不見明暝抵空牀季女奔亡愴

然心傷

否 齊魯永國仁聖輔德造禮雅言定公以安

同人 束帛玄圭君以布德伊呂百里應聘輔國

大有 棘鈎我襦為絆所拘靈巫拜祝禍不成災

東山之邑中有肥土可以饒飽

謙 門燒屋燔為下所殘西行出戶順其道理虎

臥不起牛羊歡喜

豫 墻高蔽目崑崙翳日遠行無明不見權叔

隨 天地際會不見內外祖辭遣送與世長訣

蠱 深水難涉泥塗至轂牛罷不進浮陷為疾

臨 羊驚虎狼獼猴羣走無益於僵為齒所傷

觀 履蛇躡虺與鬼相視驚恐失氣如騎虎尾

噬嗑 車驚人傾兩輪脫去行者不止人生憂懼

結締復解夜明為喜

賁 南販北賈與喜為市利得百倍

剝 延陵適魯觀樂太史東隣白顛知秦興起卒

兼其國一統為主

復 出門逢惡與福為患反相擊刺傷我手端

无妄 獐鹿羣走自然燕喜公子好遊他人多有

大畜 恭寬信敏履福不殆從其邦域與喜相得

頤 欲飛無翼鼎重折足失其福利庖羞為賊

有上妻之家富其家宰  
喜除我憂解吾思愁

大過 府藏之富王以振貸捕魚河海布網多得

離 陰生麓鹿鼠舞鬼哭靈龜陸處釜餽塵生仁



智盤桓國亂無歡  
風塵坎坷不見南北行  
迷失利復反其室  
恒金革白黃宜利戎市嫁娶有息商人悅喜  
遯匏瓜之德宜繫不食君子失輿官正懷憂  
大壯乘船渡濟載水逢火賴得免患我有所持  
晉道險多石傷車折軸與市爲仇不利客宿  
明夷託寄之徒不利請求結衿無言乃有悔患  
家人三年爭妻相逐奔馳終日不食精氣竭罷  
睽退惡防患日之中息解釋倒懸

寒兩足四翼飛入家國寧我伯姊與母相得  
解寒露所凌漸至堅冰草木瘡瘍花落葉亡  
損后稷農功富利我國南畝治理一室百子  
益設網張羅捕魚園池網罟自決雖得復失危  
許之患受其忻歡

夬路與縣休侯伯恣驕上失其威周室相微  
姤逐走追亡相及扶桑復見其鄉使我悔喪  
萃履祿綏厚載受福祉衰微復起繼世長久疾  
病無危晉人起告

升鰥寡孤獨祿命苦薄人宮無妻武子哀悲  
困山沒丘浮陸爲水魚燕雀無巢民無室廬  
井冠帶南遊與福喜期遊遊嘉國拜位逢時  
革東行亡羊失其羝牂少女無夫獨坐空廬  
鼎探巢捕魚耕田捕鱸費日無功右手虛空  
震東行飲酒與喜相抱福爲吾家利來從母水  
澤之徒望邑而處

艮妄怒失精自令畏悔怡怡之歡君子无咎  
漸白雲如帶往往來處飛風送迎大電將下擊

我禾稼僵死不起

歸妹南至之日陽消不息北風烈寒萬物藏伏

豐火中仲夏鴻雁解舍體重難移未能高舉君

子顯名不失其譽

旅北行出門履蹈躓顛踈足據塗汚我襦袴

翼輕車醜祖疾風暴起促亂祭器飛揚鼓舞明

神降佑道無害寇

兌酒爲歡伯除憂來樂福喜入門與君相索使

我有得

渙其三足孤鳥虛鳴督郵司過罰惡自賊其家駸  
余敗為憂

節 三河俱合水怒踴躍壞我王室民飢於食

中孚 南行棗園惡虎畏班執火銷鋒使我無患

小過 求鹿過山與利為怨闇襲不言誰知其權

既濟 行旅困楚失明守宿囹圄之憂啓蟄出遊

未濟 据棘履杞跌刺為憂夫婦不和亂我良家

離之第三十

離 時乘六龍為帝使東達命宣旨無所不通

乾 執轡四驪王以為師陰陽之明載受東齊

坤 春秋禱祀解禍除憂君子无咎

屯 坐朝乘軒据國子民虞叔受命和合六親

蒙 門戶下堂與福相迎祿於公室曾孫以昌

需 高木腐巢漏溼難居不去甘棠使我無憂

訟 三女為姦俱行高園倍室夜行與伯笑言不

認主母為設歡酒冤尤誰禱

師 漏卮盛酒無以養老春貸黍稷年歲實有履

道坦坦平安无咎

比並松柏枝葉常茂不落君子權寧日富求樂

小畜 夫婦不諧為燕攻齊良弓不張騎劫憂亡

履 出令不勝反為大災強不克弱君受其憂

泰 奔走相錯敗亂諸緒民不得作

否 載璧乘珪請命於河周公克敏冲人瘳愈

同人 素車為馬不任重負王侯出征憂危為咎

大有 大樹之子百條共母比之火中枝葉盛茂

謙 壅遏隄防水不得行火盛陽光陰蜺伏藏走

歸其鄉

豫 五岳四瀆合潤為德行不失理民賴恩福

隨 駕駿南遊虎驚我牛陰不奉陽其光滅蹠訾

之謙謙奉義解患

蠱 早霜晚雪傷害禾麥損功棄力飢無所食

臨 岐周海隅獨樂無憂可以避難全身保財

觀 陰蔽其陽目暗不明君憂其國求辭得黃駒

犢從行

噬嗑 金城鐵廓上下同力政乎民歡寇不敢賊

賁 平公有疾迎醫秦國和不能治晉人疑惑

剝 載堯扶禹從喬彭祖西遇王母道路夷易無

敢難者

復 羔羊皮革君子朝服輔政天德以合萬國

无妄 振鐘鼓樂將軍受福安帖之家虎狼為憂

履危不殆師行何咎

大畜 嫡庶不明孽亂生殃陳失其邦

頤 鳥驚孤鴻亂國不寧上弱下強為陰所行

大過 被繡夜行不見文章安坐於堂乃无咎殃

長子帥師得其正當

坎 六月采芑征伐無道張仲方叔克勝飲酒

咸 昧暮乘車東至伯家踰梁越河濟脫無他

恒 東風解凍和氣兆升年歲豐登

遯 三狸搏鼠遮遏前後死於園城不得脫走

大壯 綏德孔明履祿久長貴且有光疾病憂傷

晉 三虎搏狼力不相當如摧腐枯一擊破亡

明夷 使伯采桑狼不肯行與叔爭訟更相毀傷

家人 抱空握虛鴉驚我雛利去不來

睽 李花再實鴻卵降集仁哲以興隆國不賊

蹇 東山臯落勇悍不服金瑛玩好衣為身賦綵

宋麻不作空賦虛譽驚歎無味去不來

解 飛蚊汚身為邪所率青蠅分白真孝放逐

損 南山大木丈身六目制命出文東里宣敷尊

大主安居鄭國无患

益 泉起崑崙西出玉門流為九河無有憂患

夫 命短不長中年夭傷思及哭堂哀其子亡

姤 君臣不和上下失宜宗子哀歌

萃 苛政日作蟻食華葉割下啖上民被其賊秋

無所得

升 南行載鎧登履九魁車傷牛罷日算嗟咨

困 春東夏南隨陽有功與利相逢

井 頭尾顛倒不知緒處君失其國

革 言無要約不成券契殷叔季姬公孫爭之強

入委命不悅子南

鼎 缺陷不成胎卵不生不見其形

震 見蛇交臥惜蜒畏惡心乃无悔

艮 河水孔穴壞敗我室水深無涯魚鼈傾倒

漸 五岳四瀆地得以安高而不危驚懼避患  
歸妹 南至之日陽消不息北風冽寒萬物藏伏  
豐 五利四福俱田高邑黍稷盛茂多獲高稻  
旅 公孫駕車載遊東齊延陵子產遺我紵衣疾

病哀悲

吳 蛟虬當道民困愁苦望羊置羣長子在門

兌 金玉滿堂忠直乘危三老凍餓鬼奪我室求

魚河海網舉必得

渙 日入明匿陽晶隱伏小人心勞求事不得

節 頻逢招飲失利後福不如子息舊器故杵申  
請必得乃無大悔

中孚 南有嘉魚駕黃取遊魴鱖詡詡利來無憂

小過 黃裳建元文德在身祿佑洋溢封爲齊君

既濟 口不從心欲東反西與意乖戾動舉失便

未濟 虎狼之鄉日爭凶訟叨爾爲長不能定証

焦氏易林卷之三

咸之第三十一

咸 雌單獨居歸其本巢毛羽憔悴志如死灰

乾 小窻多明道理利通仁賢君子國安不僵

坤 心惡來怪衝衝何懼顏淵子騫尼父聖誨之

屯 鳥鳴呼子哺以酒脯高棲水起來歸其母

蒙 國馬生角陰孽萌作變易常服君失于宅

需 入年多悔耕石不富衡門屢空使士失意

訟 諸孺行賈遠涉山阻與旅為市不危不殆利



金得十倍行賈衰西山田與然流市不食不飲

師 梁破橋壞水深多畏陳鄭之間絕不得前

比 雙鳧俱飛以歸稻池經涉藿澤為矢所傷損

我胸臆

小畜 謾誕不成佶梁滅文許人買牛三夫爭之

失利後時公孫懷憂

履 南國饑凶民食糟糠少子困捕利無所得

泰 狗吠非主狼虎夜擾驚我東西不為家咎

否 望龍無目不見手足入水求玉失其所欲

同人 以鹿為馬欺誤其主聞言不信三口為咎

黃龍三子中樂不殆

大有 養幼新婚未能出門登宋望齊不見太師

謙 王孫貴子相與為友明允篤誠升擢薦舉

豫 山水暴怒壞梁折柱稽旅難行畱連愁苦

隨 鸛鳩徙巢西至平州遭逢雷電碎我茗蘆室

家饑寒思吾故初

蠱 登高傷軸上阪棄粟販鹽不利市賈折閱

臨 祝鮀王孫能事鬼神節用綏民衛國以存眉

網壽多年王冠前車思轉前用益天壽國以孫  
觀 九里十山道却峻難牛馬不前復反來還一還

道作

噬嗑 枯樹不花空淵無魚舊鳥飛翔利棄我去

賁 雄狐綏遺登山崔嵬昭告顯功大福允興

剝 啞啞笑言與歡飲酒長樂行觴千秋起舞拜

受大福

復 大推破轂長舌亂國床第之言三世不安

无妄 男女合室三姓同食婚姻孔云宜我孝孫

三疑  
作二

大畜 千仞之墻不得入門金籠鍊疏利以避兵

未 欲上南阪軸方不轉還車復反

頤 華言風語自相誑誤終無凶事安寧如故

大過 汎汎栢舟流行不休耽耽寐寐公懷大憂

晉 仁不遇時退隱窮居

坎 大尾小頭重不可搖上弱下強陰制其雄

離 一身三口語無所主東西南北迷惑失道

恒 南行求福與喜相得封受上賞鼎足輔國晉之

謙同南宮未師與喜琳奇性受土賞非只辨國

遯 過時不歸雌雄苦悲徘徊外國與母分離

大壯 大堯舜在國陰陽和德涿聚衣裳晉人無殃

晉 周公之隆越裳夷通疾病多崇鬼哭其公狼

子野心客宿不同言不亦強強強強公對大憂

明夷 申酉脫服牛馬依息君子以安勞者得權

家人 凱風無母何恃何怙幼孤弱子為人所苦

睽 出門上堂從容牖房不失其常天牢地戶勞

者憂苦

蹇 天厭周德命與南國以禮靜民兵革休息

解 堂桑折衡佐鬪者傷暴臣反國良臣被殃

損 合歡之國嘉喜我福東岳西山朝齊成息

益 耕石不生棄禮無名縫衣失針襦袴不成

夬 聾瞽闇盲跛倚不行坐戶孳骸身被大災困

其多憂之此豈由也對立來立人象訟于訟

姤 生長太平仁政流行四方歸德社稷康榮

萃 桀跖並處民人愁苦捕兵荷糧戰于齊魯合

大畜得牢姬姜並居

升南與凶俱破車失襦西行無袴亡其寶賂

困空槽注器豚彘不至張弓祝雞雄父飛去合

井望尚阿衡太宰周公藩屏湯武立為王侯

革其朝鮮之地姬伯所保宜家宜人業處子孫

鼎息憂解笑故貧今富載樂履善與福俱憂

字疑常作優不主棄無不為不為不為不為

震叔迎伯兄遇巷在陽君子季姬並坐鼓簧

艮順風縱火艾芝俱云三官集房十子中傷

坤作三害集房十子中傷命與命以命與命以命與命以

漸駕車八里求鮮魴鯉非吾肆居自令失布君

子所在安無危殆

歸妹拔劍傷手見敵不起良臣無佐困辱為苦

豐亂君之門佐鬪傷跟營私貪祿身為悔殘東

下泰山見我所歡

旅慈母望子遙思不已久客外野使我心苦

巽六魴生淮郤一轉為百周流四海無有患惡

一作江淮

兌甘露醴泉太平機關仁德感應歲樂民安

渙 采薇出車魚麗息初上下役急君子免憂

節 豕生魚魴鼠舞庭堂雄佞施毒上下昏莽君

失其邦

中孚 三頭六目道畏難宿寒苦之國利不可得

小過 燕雀銜茅以生孚乳昆弟六人懽好孝悌

各同心願和悅相樂

既濟 文君德義仁聖致福年無胎夭國富民實

卧者在室曾累益息

未濟 秋梁未成無以至陳水深難涉使我不前

恒之第三十二

恒 黃帝所生伏羲之宇兵刃不至利以居止

乾 登墀踈足南行折角長夜之室不逢忠直

坤 燕雀衰老悲鳴入海憂在不飾差池其羽頡

頡 頡上下寡位獨處

屯 關門除憂伯自外來切切之患我心得歡

切切

疑當作切切

蒙 郊耕擇耜有所疑止空虛無子蒙昧不知

需 張牙切齒斷怒相視禍起蕭牆牽引吾子患

魚... 六... 不可解憂驚吾母

訟 履不容足南山多棘母出房閨乃無病疾

師 牛駢亡子鳴於大野申后陰微還歸其母

比 龍生于淵因風昇天章虎炳文為禽敗軒發

輓 温谷暮宿崑崙終身無患光精照耀不被患

難

小畜 既嫁宜吉出入無咎三聖並居國安無災

履 北陸陽伏不知黑白君子傷讒正害善人

泰 一身兩頭延適二家亂不可治

否 牝馬牡駒歲孳不休君子衣服利得有餘

同人 南行懷憂破其金輿安坐故廬乃無殃患

大有 憂人之患履傷浮顏為身禍殘篤心自守

與喜相抱

謙 咸陽辰巳長安戌亥丘陵生心非魚鱗而可

以避水終無凶咎

豫 不知何孫夜來扣門我慎外寇兵戎且來

隨 昧旦不明日暗無光喪滅失常使我心傷

蠱 江陰水側舟楫破乏狐不得南豹無以北雖

欲會盟河水梁絕

臨神之在丑逆破為咎不利西南商人休止

觀然諾不行欺訟誤人使我虛宿夜歸温室神

怒不直鬼繫無目欲求福利適反自賊

噬嗑攘臂拯肘怒不可止狼戾悞狼無與為市

賁販馬買牛會值空虛利得尠少畱連為憂

剝高樓陸處以避風雨深堂邃宇君安其所牝

雞之息為我利福請求弗得

復阿衡服箱太乙載行迯時歷舍所求吉昌

无妄飛來之福入我居室以安吾國

大畜不孝之患子孫為殘老耄莫養獨坐空垣

頤南過棘門駒裂我冠斷衣傷襦使君恨憂

大過重門射平不知所定質疑蒼龜孰可避火

明神答報告以犧牲宜利止居

坎麟麇鳳雛安樂無憂捕魚河海利踰徙居

離新田宜粟上農得穀君子懷德以千百祿

咸其簪短帶長出思苦窮瘠蠡小瘦以病之瘥

遯爭訟之門不可與隣出入有為憂生我患當疑

焦氏易林 八之三  
作生我  
憂患  
公西不可與測出入存然主非思

大壯 晉 朽根枯株不生肌膚病在心腸日以焦枯  
雨師娶婦黃巖季女成禮就婚相呼南上膏  
我下土年歲大茂

明夷 冬採薇蘭地凍堅難利走失北暮無所得  
家人 昧之東域誤過虎邑失我熟羶飢無所食

熟疑  
作熊

睽 日莫閉目隨陽休息箕子以之乃受其福舉  
事多言必為悔殘

蹇 蓼蕭瀼瀼君子龍光鳴鸞嚶嚶福祿來同

解 易飛無翼兔走折足雖不同會未能利達

損 五勝相賊火得水息精光消滅絕不能續

益 東資齊魯得駢大馬便辟能言市人善賈鄰

人併戶請火不與人道閉塞鬼崇其宇

夫 爭雞失羊亡其金囊利不得長陳蔡之患賴

國楚以安

姤 九登十陟馬跌不前管子佐之乃能上山

萃 東鄰愁苦君亂天紀日貪祿寵必受其咎

卷之三 及古



有意合志同内外  
相從見吾伯公天降日食新書必受其咎

升 三狸捕鼠遮過我前死於壞域不能脫走

困 焚狼虎爭強禮義不行兼吞其國齊魯無王

井 五岳四瀆合潤為德行不失理民賴恩福

革 人六月種黍歲晚無雨秋不宿酒神失其所先

困 後通與福相從

酒字疑當作灑

鼎 駮牝龍身日取三千南上蒼梧與福為婚道

理 夷易身安無患

取疑當作趣

震 出入休居安止無憂上室之權虐為季殘

艮 南山昊天刺政閔身疾病無辜背憎為仇

漸 潼頓東徙道路跛躄日辰不良病為祟禍

歸 妹 兄征東燕弟伐遼西太克勝還封居河間

豐 播輪折輻馬不得行豎牛之讒賊其父兄布

衣不傷終身無患

旅 駕之南海晨夜不止君子勞罷僕夫憔悴

巽 怨重被燒忿怒生禍福心作事意如為亂

兌 張狂妄行竊食盜梁狗吠非主嚙傷我足

渙 警蹕式道先驅除咎王后親桑以率羣功安

我祖宗六世次嗣創啓王以辟來以率奉安

節 門戶乏食困死誰告對門不通安所歸急積

與藏五穀一花千葉市賈有息

中孚 破敝復完危者得安鄉善無損商人有息

利來入門

小過 疊疊累累如岐之室一息于千古公治邑

既濟 三嫗治民不勝其任兩馬爭車敗壞家室

未濟 蔽鏡無光不見文章少女不市棄於相望

遯之第三十三

遯 二塗五岳陽城太室神明所任獨無兵革

乾 軟弱無輔不能自理意在外野心懷勞苦雖

憂不殆

坤 周成之隆刑措無凶大衆讚佑君子作仁

屯 穴有狐鳥坎生蝦蟆象云萬里不可得捕

蒙 俱爲天民雲過吾面治民嫉妬與我無恩

門作

需 三首六目政多煩惑臯陶瘖聾亂不可從

訟 德積不輕辭出真心三媒不已大福來成

師 堅固相親日用自完六體不易孰爲安全雨  
師駕西濡我轂輪張伯李季各噬關門  
比 方內不行輻摧輪傷馬禁隄與愛子閔時  
小畜 畜牝無駒養雞不雛羣羊三歲不生兩頭  
履 老耄罷極無取中直懸輿致仕得歸鄉國  
泰 縮緒亂絲手與爲災越畝逐兔斷其禪襦  
否 海老水乾魚驚蕭索高落無澗獨有沙石  
同人 入市求鹿不見頓足終日至夜竟無所得  
大有 築門壅戶虎卧當道驚我驂騑不利出處  
謙 陶朱白圭善賈息資公子王孫富貴不貧  
豫 王良善御伯樂知馬周旋步驟行中規矩止  
息有前延命壽考

隨 堯問大舜聖德增益使民不懼安無怵惕  
蠱 昭公失常季氏悖狂遊齊處鄆喪其寵身  
臨 昏暮不行候旦待明復任止後未得相從  
觀 入安止宜官一日九遷升擢超等牧養常山  
噬嗑 去惡就凶東西多訟行者無功  
賁 老馬垂耳不見百里君子弗恃商人莫取無

與為帝垂耳不見百里哉千乘商賈人莫取

人莫取

一云蝸螺自疑當作目

復百足俱行相輔為強三聖翼事王室寵光

无妄容民蓄衆履德有信大人受福童蒙憂惑

利無所得

大畜左跌右僵前躓觸彘其稽據石傷其弟兄

老蠶不作家箕織帛貴貨賤身久雷連客

頤昏人且明賣食老昌國祚東表號稱太公

大過敝筍在梁魴逸不禁漁父勞苦焦喉乾口

虛空無有

坎盛中後跌衰者復掇盈滿或毀疾羸肥脂鄭

昭失國重耳典立

離折二破甕使我困貧與母生分別離異門

咸野有積庾嗇人駕取不逢狼虎暮歸其宇

恒襁褓孩孤冠帶成家出門如賓父母何憂

大壯陳力就列官職無廢手不勝益失其寵門

晉積雪大寒萬物不生陰制庶士時本寒貧

明夷龍鬪海門失理傷賢內畔生賊自為心疾  
家人不畏猛虎依人為輔三夫執獸伏不敢起  
身安無咎

睽南山高崗回隕難登道路遼遠行者無功憂  
不改凶惡亦消去

蹇逢時陽遂富且尊貴

解求我所欲得其利福終身不辱盈盛之門高  
屋光覆君先其固

損安坐至暮禍災不到利詰姤姝皇宥不赦

益膠車駕東與兩相逢五蔡解墮頓斬獨宿憂  
為身福

夬擇日高飛遠至東齊見孔聖師徒我相諧

姤陳媯敬仲兆興齊姜乃適營丘八世大昌

萃缺將無憚難從東西毀破我盆泛棄酒食

升中夜狗吠盜在廬外神光佐助消散歸去

困雷車不藏隱隱西行霖雨三旬流為河江使

我憂凶

井老河空虛舊井無魚利得不饒避患東隣福

來入門使我悔存

革 福德之士歡悅日喜夷吾相國三歸為臣貴

流子孫

鼎 清人高子久屯外野逍遙不歸思我慈母

震 驄驕黑鬚東歸高鄉白虎推輪蒼龍把衡朱

雀導引靈鳥載遊遠扣天門入見真君馬全人

安

艮 路多枳棘前刺我足不利旅客為心作毒

漸 端作生患憂來入門使我不安 作疑當 作坐

歸妹 小阪之市利不足喜二世積仁蒙其祖先

匪躬之言狂悖為患

豐 登高望時見樂無憂求利南國與寶相得

旅 跛足息肩有所忌難金城鐵郭以銅為關藩

屏自衛安上無患 上疑當 作土

巽 江水沱汜息附君子伯仲處市不我肯顧姪

姊悵悔

兌 芽蘖生達陽唱於外左手執籥公言錫爵 唱疑

常作 倡

渙 雲夢苑囿萬物蕃熾犀象玳瑁荆人以富

節 渠戎萬里晝夜愁苦橐甲戌服雖荷不賊鷹

鷁之殃害不能傷

中孚 出門東行日利辰良步騎與駟徑歷京邦

暮宿北燕與樂相逢

小過 騎騅與蒼南賈太行逢蛟猛虎為所吞食

葬於渭陽

既濟 鉉基逢時稷契臯陶貞良得願微子解囚

市恐無虎謾言妄語

未濟 酒為歡伯除憂未樂福善入門與君相索

使我有得 未當 作來

大壯之第三十四

大壯 左有噬熊右有齧虎前觸鍤矛後躓强弩

無可抵者

乾 金齒鐵牙壽考宜家年歲有儲貪利者得有

其咎憂

坤 家給人足頌聲並作四夷賓服干戈橐閣

屯 獼猴冠帶盜載非位眾犬持吠狂走蹶足

蒙 心患其身不念安存忠臣孝子為國除患

需 君不明德臣亂為惑丞相命駕胡亥失所

訟 東行西窮南北無功張伯買鹿從者失羊

師 鹿下西山欲保其羣逢羿箭鋒死於矢端

比 夷明兆初三旦為災以讒復歸名曰豎牛剝

亂叔孫餒卒虛丘

小畜 秦失嘉居河伯為怪還其銜璧神怒不祐

織組無文燒香不芬

履 至德之君禍不過隣使我世存身無患災

泰 眾惡之堂相聚為殃幽毒良人使道不通

否 三痴六狂欲之平鄉迷惑失道不知昏明

同人 老弱無子不能自理郭氏雖憂終不離咎

管子治國侯伯來服乘輿八百尊祀祖德一作大有

卦

大有 褒后生蛇經孝曰微追跌衰耄復滅黃離

一作同人卦

謙 聰巖黑髯東歸南鄉白虎推輪蒼龍把衡遂

至夷傷不離咎殃傷下有祿陽聰一作騙



豫至信譎龍且塞水上流半渡決囊楚師覆亡

隨有莘季女為王妃后貴夫壽子母尊四海

蠱德被八表蠻夷率服蝥賊不作道無苛慝

臨載日精光驂駕六龍祿命徹天封為燕王

觀纓急縮頸行不得前五石示象襄伯不成

噬嗑蛇鄉其穴載麻當喪哀悲哭泣送死離鄉

賁四隕不安兵革為患掠我妻子客屢飢寒

一作回

剝乘風禹橋與飛鳥俱一舉千里見吾愛母

禹

作雨

復雷霆所擊誅者五逆剿滅無迹有懼方息

无妄張氏揖酒請謁左右王時枯槁獨不蒙所

王一作平

大畜坐爭立訟紛紛匆匆卒成禍亂災及家公

頤霜降門戶蟄蟲隱處不見日月與死為伍

大過鼠聚生怪為我患悔道絕不通商旅失意

坎寒暑不當軌度失常一前一後年歲鮮有

離築室水上危於一齒丑寅不徙辰卯有咎

咸 畜雞養狗長息有儲耕田得黍王母喜舞

恒 東壁餘光數暗不明主母嫉妒亂我事業

遯 剛柔相傷火爛銷金鵬鷹制兔伐楚有功

晉 鄭國讒多數被楚憂征夫愁苦民困無聊一本

云三豕俱走鬪于虎口  
白豕不勝死于坎下

明夷 弓矢斯張把彈弦折丸發不至道遇害患

家人 舉觴飲酒未得至口側棄醉酣拔劍斫怒

武侯作悔

睽 蒼鷹羣行相得旅前王孫申公驚奪我雄北

天門開神火飛災如不敬信事入塵埃

蹇 穿屋相宜利倍我北循邪詭道迎不可得南

北望邑遂歸入室

解 壽如松喬與日月俱常安康樂不罹禍憂

損 出門望東伯仲不來疾病為患使母憂歡

益 太姬之孫周文九子咸遂受成寵貴富有

夬 桃李花實纍纍日息長大成熟甘美可食為

我利福

姤 婚禮不明男女失常行路有言出爭我訟

萃 空穿漏敝破桴殘缺陰弗能完瓦碎不全空疑

室作

升 數窮廓落困於曆室往登玉堂與老侑食老

堯作

困 道溼為坑輪陷躓疆南國作諱使我多畏

井 鰥寡孤獨福祿苦薄入室無妻我子哀悲

革 舉袂覆日不見日月衣衾杖几就其夜室

鼎 長尾踳跔畫地為河深不可涉絕世之比憫

然憤息

震 晨風文翰火舉就温昧過我邑羿無所得去

艮 出入節時南北無憂亟行所逐在外來歸亟行

所逐一作行者亟至

漸 陽氏狂惑季孫亂潰陪臣執政平子俱折季

心不快

歸妹 五鳥六鳴相對蹲跂禮讓不興虞芮爭訟

豐 願念所生隔在東平遭離滿沸河川決潰幸

得無恙復生歸室

旅 追獵東走兔迹我後吾銳不利獨空無有

吳 犬吠非主上下渾擾敵人襲戰閔王逃走

兌 嵩高岱宗峻直且神觸石膚寸千里蒙恩

渙 陳魚觀社狼虎踰距為民開緒云其祖考

節 四壁無戶三步一止東西南北利不可得

中孚 求君衣裳情不可當觸諱西行為伯生殃

君之上安得生安存

小過 春鴻飛東以馬貨金利可得深

既濟 禾生蟲蠹還自尅賊使我無得

未濟 桀亂無道民散不聚背室之家遁逃出走

晉之第三十五

晉 銷鋒鑄耜休牛放馬甲兵解散夫婦相保

乾 一衣三冠冠無所絆衣服不成為身災患

坤 百足俱行相輔為強三聖翼事王室寵光

屯 魚蛇之怪大人憂懼梁君好城失其安居

蒙 少無強輔長不見母勞心遠息自傷憂苦

需 前不溽暑解不可取離門二里敗我利而老

牛病馬去之何悔

訟 君明有德登天大祿布政施惠以成恩福中

子南遊翱翔未復

大新亦文流以風國中

師 堯然唯諾敬上尊客執恭除患禦侮致福

比 黍稷禾稻垂秀方造中旱不雨傷風病藁

一旱

本作卓

小畜 三羸六罷不能越跪東賈失馬往反勞苦

履 倚立相望引衣欲裝陰雲蔽日暴雨降集使

道不通阻我歡會

泰 高脚疾步受肩喜趨日走千里賈市有得

否 北風寒涼雨雪盈冰憂思不樂哀悲傷心

同人 貞鳥睢鳩執一無尤寢門治理君子悅喜

大有 蓼蕭露瀼君子寵光鳴鸞嚶嚶福祿來同

謙 南行求福與喜相得受封上賞鼎足輔國

咸之

同恒

豫 桑華腐蠹衣弊如絡女功不成絲布為玉

隨 左服易右王良心歡喜利從已

蠱 壽考不忘駕駟東行三適陳宋南賈楚荆得

利息長旅身多罷畏晝喜夜

臨 羔羊皮弁君子朝服輔政扶德以合萬國

觀 鸛鳩徙巢西至平州遭逢雷電破全葦蘆室

家饑寒思吾故初全當作我

咸之隨同

噬嗑 大尾小頭重不可搖上弱下強陰制其雌

咸之坎同  
雌作雄

賁 疏足息肩有所忌難金城銅郭以鐵為關藩

屏自衛安心無患

剝 天命玄鳥下生太商造定四表享國久長

復 賦歛重數政為民賊杼軸空虛我去其室

无妄 陰陽隔塞許嫁不答宛丘新臺悔往歎息

大畜 願望登虛意常欲逃賈辛醜惡妻不安夫

頤 跛行竊視有所畏遮蔽目伏藏以夜為利

大過 信敏恭謙敬鬼尊神五岳四瀆克厭帝心

受福宜年

坎 懸懸南海去家萬里飛兔腰裏一日見母除

我憂悔

離 雖污不辱因何跣足童子褰衣五步平復

咸 宮城立見衣就袂裾恭謙自衛終無禍尤

恒 蔽笥在梁不能得魚望食千里所至空虛

遜 千里駢駒為王服車嘉其驪榮君子有成

大壯 鼎足承德嘉謀生福為王開庭得心所欲

明夷 右手無合獨折左指禹湯失位事功弗立

家人 憂凶增累患近不解心西意東事無成功

睽 東行食榆困於枯株夫妻無家志窮為憂

蹇 五經六紀仁道所在正月繁霜獨不離咎離當

作羅

解 懈緩不前怠墮失便二至之戒家無禍凶刻

水象形聞言不信一本水作木

損 仁愛篤厚不以所忿害其所子徙我舊都日

益富有

益 缺破不成胎卵未生弗見兆形

夬 摧角不傷雖折復長秉德無愆老賴榮光

姤 乘桴浮海免脫厄中雖困無凶

萃 孔鸞鴛雛鵝鵝鵠翱翔紫淵嘉禾之國君

子以說

升 甘露溫潤眾來得願樂易君子不逢禍亂

困 東騎墮落千里獨宿高岸為谷陽失其室

井 入村既登以成嘉功危降庭堅國無災凶  
 革 邛邛反言父兄生患竟涉憂恨卒死不還  
 鼎 五銳鐵頤倉庫空虛賈市無盈與利為仇  
 震 白鳥銜餌嗚呼其子施枝張翅來從其母  
 艮 學靈三年聖且神明先見善祥吉盛福慶神  
 馬來見告我無憂

漸 雲孽蒸起失其道理傷害年穀神君之精

歸妹 春耕有息利入利福獻豨大從以樂成功

大疑當  
作私

豐 羸豕躑躅虎來都邑遮遏左右國門救急

旅 東行西維南北善迷逐旅失羣亡我襦衣

巽 居室之倫夫婦和親小人乘車車在夫家碩

果失參不知孰是

兌 東方孟春乘水載盆懼危不安終身所歡

渙 風吹塵起十地无所南國年傷不可安處

節 重載傷車婦女无夫三十不室獨坐空廬

中孚 敗牛羸馬與利為市不我嘉喜

小過 月出阜東山蔽其明章父憂僕箕子狎狂



既濟 出入門所與道開通杞梁之信不失日中

中少季渡江來歸其邦疾病危亡

未濟 重邑居衛師如轉蓬時居之凶危

明夷之第三十六

明夷 他山之錯與璆為仇來攻吾城傷我肌膚

邦家騷憂

乾 踐履寒水十步九尋惟有苦痛不為病憂

坤 太公避紂七十隱處卒逢聖文為王室輔

屯 日月之塗所行必到無有患悔

蒙 諷德誦功美風盛隆且輔成周光濟冲人

需 童子無室未有配合空坐獨宿

訟 穿鼻繫株為虎所拘王母祝詞禍不成災逐

然脫來

師 黃帝神明八子聖聰佚受大福天下平康

比 深谷為陵衰者復興亂傾之國民德安息中

婦病困遂入冥室

小畜 道遠遼絕路宿多悔頑嚚相聚生我良忌

履 且樹菽豆暮成藿羹心之所樂志快心懽

泰 切切之患凶憂不成虎不敢嚙利當我身切切

疑作小切切 王伯遠宿長婦在室異庖待食所求不得

同人 寒燠失時陽旱為災雖耗無憂

大有 雖窮復通履危不凶得其明功

謙 狼虎所宅不可以居為我患憂

豫 喋囁處耀明昧相傳多言少實語無成事

隨 履冰路凌雖困不窮播鼓登巖卒無憂凶

蠱 文墨且墨禍福相雜南北失志東西不得云一

文墨且黑 憂福相雜

臨 爭訟不已更相談詢張季弱口被髮北走

觀 德積逢時宜其美才相明輔聖拜受福休長

女不嫁後為大悔

噬嗑 江水沱汜思附君子仲伯愛歸不我肯顧

姪娣悵悔

賁 光禮春歲陳室鷄鳴師明失道不能自守消

言為咎

剝 驚虎無患虞為我言賴得以安

復 譌言妄語轉為註誤不知狼處

无妄 履慄自敵凶憂來到痛不死哭

大畜 牽尾不前逆理失臣惠朔以奔

頤 三狸捕鼠遮遏我後死於環城不得脫走

大過 言笑未畢憂來暴卒身墜丹索檻內裝米

坎 陰積不已雲作淫雨傷害平陸民無室屋

離 山林麓藪非人所處鳥獸無禮使我心苦

咸 新作初陵踰陷難登三駒推車跌損傷頤陷當

險作

恒 魂微愒愒屬纊聽絕擴然大通復更生活

遯 欒子作殃伯氏誅傷州吁奔楚去其邑鄉

大壯 驕胡大形造惡作凶無所能成還自滅身

晉 陳辭達情使安不傾增榮益譽以成功名

家人 三杞無棗家無積莠使鳩求婦頑不我許

睽 慎禍重患顏子為尤乃能安存牢戶繫羊乃

能受福

蹇 鹿得美草鳴喚其友九族和睦不憂饑乏

解 亡玉失鹿不知所伏利以避危全我生福其

雨時降年歲有得

損 逢時積德身受福慶

益 鵠思其雄欲隨鳳東順理羽翼出次日中須

雷北邑復反其室

夬 環緒倚鉏斗升屬口貧賤所處心寒悲苦緒疑

當作

姤 孤獨特處莫依為輔心勞志苦

萃 稷為堯使西見王母拜請百福賜我喜子長

樂富有

升 鳴條之災北奔犬胡左袵為長國號匈奴三

君旄頭立為單于

困 絕而復通雖危不窮終得其願姬姜相從

井 陽并悖狂拔劍自傷為身生殃

革 方圓不同剛柔異鄉掘井得石勞而無功

鼎 乘風駕雨與鳴鳥俱動舉千里見我愛母

震 三塗五岳陽城太室神明所扶獨無兵革

艮 鷓鴣娶婦深目窮身折腰不媚與伯相悖

漸 轉行軌軌行近不遠旦夕入門與君笑言

歸妹 求利難國逃去我北復歸其城不為吾賊

難疑當  
作離

豐 日月之途所行必到無凶無咎安寧不殆

旅 管叔遇桓得其願歡膠日殺糾振冠無憂笑

喜不莊空言妄行  
困豐之

巽 出入蹈踐動順天時俯仰有節禍災不來

兌 內崩中傷上亂無常雖有米粟我不得食

渙 逐禍除患道德神仙過惡萬里福常在前身

樂以安

節 牛驚馬走上下渾擾鼓音不絕項公奔敗

中孚 西上九陂往來畱連心須時日靈與有德

小過 虎怒捕羊狷不能攘

既濟 湧泉涓涓南流不絕卒為江海將帥襲戰

獲其醜虜

未濟 桃弓葦戟除殘去惡敵人執服

家人之第三十七

家人 王命赤烏與君徼期征伐無道誅其君傲

居止何憂

乾 千歲槐根身多斧痕傷夷倒掘枝葉不存

坤 人嘖嘖諤諤虎豹相齧畏懼悚息終無難惡

屯 娶於姜呂駕迎新婦少齊在門夫子歡喜

蒙 高壤肥澤民人孔樂宜利居止長安有福

需 主有聖德上配太極皇靈建中授我以福

訟 耄老蒙鈍不見東西少者弗慕君不與謀懸

輿致仕退歸里居

師 三在北行道逢大狼暮宿患宅為禍所傷

比 更旦初歲振除禍敗新衣元服拜受利福

小畜 杲杲白日為月所食損上毀上鄭昭出走

損上之上  
疑當作下

履 君子失意小人得志亂憂並作姦邪充塞雖

有百堯顛不可救

泰 仁德優洽恩及異域澤被殊方福慶隱伏作

蠶不織寒無所得

否 東求金玉反得弊石名曰無宜字曰醜惡眾

所賤薄

同人 擊鼓合戰士怯叛亡威令不行敗我成功

大有 仲春孟夏和氣所舍生我嘉福國無殘賊

謙 尹氏伯奇父子相離無罪被辜長古為災

豫 五穀不熟困民惡極駕之新邑嘉禾有得

隨 登虛望貧暮食無殮長子南戍與我生分

蠱 東市齊魯南賈荆楚羽毛齒革為吾利寶

臨 節情省欲賦歛有度家給人足公劉以富

觀 恭寬信敏功加四海辟去不祥喜來從母

噬嗑 張狂妄行與惡相逢不得所欲生我獨凶

賁 畫龍頭頸文章不成其言美語詭辭無名

剝 騎龍乘鳳上見神公彭祖受制王高贊通巫

大咸就位拜壽無窮

復 溫仁君子忠孝所在八國為隣禍災不起

无妄 威權分離鳥夜徘徊羣蔽月光大人誅傷

大畜 學靈三年聖且神明先知吉祥言喜福慶

神鳥來見告我無窮

同晉之艮 字有少異

頤 東山辭家處婦息夫伊威盈室長股羸戶歎

我君子役日未已

大過 張頷開口舌宜絕齒然諾不行政亂無緒

坎巽吹角高邦有失牛羊眾民驚惶敬慎避咎救

行不殃於日未日

離 南行出城世德福祉三姬嫁齊賴其所欲

咸 心狂志悖耳聽從類政令無常下民食孽

恒 安上宜官一日九遷踰羣越等牧養常山

遯 東鄰嫁女為王妃后莊公築館以事主母歸

于京師季姜悅喜

大壯 六甲無子以喪其戊五丁不親庚失曾孫

癸走出門

晉 陰霧不清濁政亂民孟春季夏水壞我居

明夷 騎肫逐羊不見所望徑涉虎廬亡身失羊

睽 安牀厚褥不得久宿棄我喜晏困於南國投

杼之憂不成禍災

蹇 五日四維安平不危利以居止保有玉女

解 西賈巴蜀寒雪至轂欲前不得反復其室

損 剛柔相呼二姓為家霜降既同惠我以仁

益 天馬五道夾大分處往來上下相隨哭歌凶

大惡好向對要東土彌五與凶附戲有無又恩



夫出門懷憂東上禍丘與凶相遇自為災患

姤西行求玉冀得隋璞反見凶惡使我驚惑凶

萃出門無至動作失利銜憂懷禍使我多悴門

一作入至  
一作姦

升高樓無在顛僵不久紂失三仁身死牧野

困避禍逃殃身全不傷高貴疾顛華落墜亡

井張牙反目怒辭忿怒狂馬虢大道警傷軫

革泉涸龍憂箕子為奴干叔隕命殷破其家

鼎向食飲酒嘉賓會聚羊豕猪君子饒有

震黃牛駢犢東行折角冀得百祥反亡我驚

艮路多枳棘步刺我足不利旅客為心作毒

漸執釜破薪使媒求婦和合二姓親御斯酒召

彼隣里公姑悅喜

歸妹駕車出門顯時宜西福祐我身安寧無患

豐日新東升魁杓為禍漢臺為秦使我久坐一升

徒作

旅山陵丘墓魂空室屋精光竭盡長卧無覺

巽孩子含餌為利所悅探釜把甌爛其手臂

兌 何村待時門戶獨悲蚯蚓冬行解我無憂桑

蠶不得女功無成室室靜六學蓋其悃無覺

渙 解傷驚惶散我衣裳君不安邦

節 害政養賊背王入愆跛行不安國為危患

中孚 禍走患伏喜為我福凶惡消亡災害不作

小過 老馬為病病雞不雛三雌獨宿利在山北

既濟 播天舞地曉亂神所居樂无咎

未濟 異國殊俗情不相得金木為仇酋長擅役

睽之第三十八

睽 倉盈庾億宜稼黍稷年豐歲熟民得安息

乾 被服文衣遊視酒池上堂見觴喜為吾兄使

我憂云 蹇之 同人

坤 邑姜叔子天文在手實沈參墟封為晉侯

屯 改柯易葉飯温不食豪雄爭強先者受福

蒙 馨香陟降明德上登社神佑顧命為大鄰

需 老狼白駒長尾大狐前顛卻躡進退遇崇

訟 山没丘浮陸為水魚燕雀無廬

師 懿公淺愚不受深謀無援失國為狄所滅

比 鼎易其耳熱不可舉大塗壅塞旅人心苦

小畜 山凶聲醜言要不可聞君子舍之往恨我心

要疑當  
一作惡

履 昧暮乘車履危路溝亡失羣物摧折兩軸

泰 南有嘉魚駕黃取鱗魴鯁詡詡利來母憂

否 隔在九山往來勞難心結不通失其所歡

同人 下流難居任失多態長溫柔年歲不富

大有 狐狸雉兔畏人逃去分首竄匿不知所處

謙 異體殊俗各有所屬西鄰孤嫗欲寄我室主

母罵詈終不可得

豫 怒非怨妒貪得腐鼠而呼鷹鷂自今失餌倒

被困患

隨 五心六意岐道多怪非君本心生我恨悔

蠱 三班六黑同室共食日長月息我家有德

臨 方船備水旁河燃火終身無禍

觀 醫屏獨語不聞朝市利以居言寃被後門

噬嗑 居處不安徒反觸患

賁 刺剔髡人所賤棄批捍之言我心不快

剝 臯田禾黍堆壤麻臯衣食我躬室家饒有

復 兩目失明日奪無光脛足跛倚不可以行頓

於丘傍

无妄 金城朔方外國多羊履霜不時去復為憂

大畜 匿痼不醫亂政生災紂作淫虐商破其墟

頤 鬼哭泣社悲傷無後甲子昧爽殷湯絕祀

大過 焱風卒起車馳袍褐棄古追亡失其和節

憂心惓惓

坎 耄老失明聞善不從自今顛沛反為咎殃

離 隨風騎龍與利相逢日獲三狐商伯有功衝

衝之邑長安無他

咸 三牛五羊重明作福使我有得疾入官獄憂

在心腹

恒 孟巳乙丑哀呼尼父明德訖終亂虐滋起東

逐 華登百枝消暗衰微精光訖盡奄如灰糜

大壯 東鷹飛雉遽兔伏不起狐張狼鳴野雞驚駭

晉 人鬪身戰天門有何患室家具在不失其歡

明夷 東家殺牛汚鼻腥臊神背西顧命絕衰周

毫社災燒宋人夷誅

家人 陰陽辨舒二姓相合婚姻孔云生我利福

蹇 東入海口循流北走一高一下五色無主十

日六夜死於水渙

解 孤竹之墟失婦無夫傷於蒺藜不見其妻東

郭棠姜武子以亡

損 天門東墟盡既為災跡蹙暗聾秦伯受殃

益 賴生光水受福之社雖遭亂潰獨不危殆

夬 折舌閉目不見稚叔三足孤鳥遠其無失

姤 七人同室兄弟合食和樂相好各得所欲

萃 繼體守藩縱欲廢賢君臣淫佚夏氏失身側

室之門福祿來存

升 老狐屈尾東西為鬼病我長女哭涕詘指或

西或東大革易誘

困 大樹之子百條共母當夏六月枝葉茂盛鸞

鳳以庇召伯避暑穉穉叩甚各得其所

井 井堙木刊國多暴殘秦王失所壞我大壇刊疑

當作利

革 駕黃買蒼與利相迎心獲所守不累兄弟

鼎 倉盈庾億宜稼黍稷年豐歲熟民得安息

震 人生馬淵壽考且神飛騰上天舍宿軒轅居

常樂安

艮 息願所之今乃逢時洗我故憂拜我歡來

漸 魁剛所當初為敗殃君子雷連困於水漿求

金東山利在茂卿賈市有息子戴母行

歸妹 鉛刀攻玉無不鑽鑿龍體具舉魯般為輔

三聖翼事所求必喜

豐 喜來如雲舉家歡忻眾才君子駕福盈門

旅 響像無形骨體不成微行衰索消滅無名

巽 積水不温北陸苦寒霜宿多風君子傷心

兌 黃馬綠車駕之大都讚達才能使我無憂讚頌疑

當作薦

渙 從風放火芝艾俱死三害集聚叔子中傷

節 一身三手無益於輔兩足共節不能克敏

中孚 南向陋室風雨並入埃塵積溼王母盲痺

偏枯心疾亂我家次

小過 采薇出車魚麗思初上下促急君子懷憂

既濟 先易後否告我利市騷蘇自苦思再改正

改正一作故止

未濟 生宜地乳上皇大喜隆我社福貴壽無極

蹇之第三十九

蹇 同濟共與中道別去喪我元夫獨與孤苦

乾 叔肸居窻祁子自邑乘遽解患羊舌甯脫賴

得生全

坤 兔聚東郭衆犬俱獵圍缺不成無所能獲

屯 作室山根人以爲安一夕崩顛敗我壺飡

蒙 疾風塵起亂我崩始强大并小先否後喜

需 潔齋沐浴思明居德哀公怯弱風氏復比

訟 土瘠瘦薄培塿無柏使我不樂

師 褰衣涉河澗流波多賴遇舟子濟脫無他

比 送我季女瑩于蕩道齊子旦夕畱連久處

小畜 三孫六子安無所苦中藏廢殆亡我所使

履 揚風偃草塵埃俱起清濁溷散忠直隱處

泰 歷險登危道遠勞疲去家自歸困涉大波

否 六藝之門仁義俱存  
磁基逢時堯舜爲君傷  
寒熱温下至黃泉

同人 被服文衣遊觀酒池  
上堂見觴喜爲吾兄  
使我憂亡

大有 生時不利天命災至  
制於斧癘當夜勤苦  
謙 天門開闢牢戶寥郭  
桎梏解脫拘囚縱釋

豫 川淵難遊水爲我憂  
多言少實命鹿爲駒道  
德開基君子逢時利以中疑

隨 鄉歲逢時與生爲期  
枝葉盛茂君子无憂

蠱 六鷁退飛爲衰毀  
祥陳師合戰左股夷傷  
遂崩不起霸功不成

臨 雷君出裝隱隱西行  
霖雨不止流爲河江南  
國憂凶

觀 牙孽生齒陽倡於外  
左手執籥公言錫爵  
噬嗑 火起土門不爲我  
殘跳脫東西獨得生完

不利出鄰病疾憂患  
賁 舉事無成不利出征  
言不可用衆不能平

剝 老狼白驢長尾大狐  
前顛却噴進退遇崇



復 日入道極勞者休息班馬還師復我燕室

无妄 山林麓藪非人所處鳥獸無禮使我心苦

大畜 畜利積福日新其德高氏飲食憂不為患

頤 張羅百日鳥不得北縮頸掛翼困於窘國君

子治德獲譽受福

大過 伯虎仲熊德義淵弘使布五教陰陽順序

坎 跛躄相隨日暮牛罷陵遲後旅失利亡雌

離 羸氏違良使孟尋兵老師不已敗於齊卿

咸 日月並居常暗且微高山崩顛丘陵為溪

恒 鳥鵲食穀張口受哺蒙恩被德長大成就柔

順利貞君臣相好

遯 雖墮復起不毀牙齒克免平復憂除無疾

大壯 草木黃落歲暮無室虐政為賊大人失福

晉 避凶東走反以禍口制於牙爪骨為灰土

明夷 欲飛不能志苦心勞福不我來

家人 羔裘豹褰東與福遇駕迎吾兄送我驪黃

睽 東耕破犁西失良妻災害不避家貧無資

解 魚陸失所鳥蠅困苦澤無萑蒲晉國以虛

損 脫兔無蹄三步五罷南行不進後市勞苦  
益 行役未已新事復起姬姜勞苦不得休止  
夫 向日揚光火爲正王消金厭兵雷車避藏陰  
雨不行民定其鄉

姤 放銜垂轡奔馬不制棄法作奸君失其位  
萃 司命不遊喜解我憂皇母緩帶嬰兒笑喜  
升 黃帝出遊駕龍乘馬東上泰山南過齊魯郡

國咸喜

困 既往不說憂來禍結北戶爲患無所申冤

井 荷蕢隱居以避亂傾終身不仕遂其潔清

革 折挺春稷君不得食頭痒搔跟無益於疾

鼎 植根不固華葉落去使爲枯樹

震 凶門生意牢戶多冤沙陲秃齒使我困窮

艮 登山履谷與虎相觸狷爲功曹班奴奔北脫

之喜國

漸 麟鳳所翔國无咎殃賈市十倍復臨惠里

歸妹 路險道難水過我前進往不利回車復還

豐 延頸望邑思歸我室臺榭不成未得安息

旅 蒙生株瞿棘掛我鬚小人嫉妬使恩不遂  
 吳 南至隱域深潛處匿聰明閉塞與死為伍  
 兌 機餌設張計暴子良范叔不廉凶害及身  
 渙 從騎出谷遊戲苦域阪高不進利無所得  
 節 西國疆梁為虎作狼東吞齊楚并有其王  
 中孚 登山代輻虎在我側王孫無懼仁不見賊  
 小過 六目睽睽各欲有至後來未壯候待明日  
 既濟 道涉多阪牛馬蛇蠟車不利載請求不得  
 未濟 一口三舌相妨無益羣羊百特不為威強

亡馬失駒家耗於時

解之第四十

解 駕言出遊鳥鬪車前更相粹滅兵馬且來回  
 車亟還可以無憂

乾 大都之居無物不具抱布貿絲所求必得  
 坤 膠著木連不出牢關家室相安

屯 孟伯食長懼其畏王賴四蒙五抱福歸房  
 蒙 朽輿瘦駟不任銜轡君子服之談何容易

需 許嫁既婚利福在身適惠生桓為我魯君

訟 入門大喜上堂見母妻子俱在兄弟饒有  
師 推車上山力不能任顛蹶蹉跌傷我中心  
比 鷹飛退去不食其雛禽尚如此何況人乎  
小畜 福棄我走利不可得幽人利貞終無怨慝  
履 夫妻反目不能正室公云子南姬言還北並  
后正嫡二政亂國

泰 陽衰伏匿陰淫爲賊幸賴王孫遂至家國  
否 入水求玉不見和璞終日至暮勞無所得  
同人 鳴鸞四牡駕出行狩合格有獲獻公飲酒

大有 覆手齊犢易爲功力正月元日承平致福

謙 三火起明雨滅其光高位疾顛驕恣誅傷

豫 哀糗荷糧與利相逢高飛有得君子獲福

隨 水土相得萬物蕃殖膏澤優渥君子有得

蠱 道理和得人不相賊君子往之樂有利福

臨 天孫帝子與日月處光榮於世福祿繁祉

觀 部衣在位乘非其器折足覆餗毀傷我玉

噬嗑 鷓飛中退舉事不遂且守仁德猶恐失墜

賁 經棗聖冠意盈不厭桀紂迷惑讒佞傷賢使

國亂傾

剝 申酉退跌陰雨前作柯條花枝復泥不白  
復 平正賤使至服苦事

无妄 鈞魴河湄水泛無涯振衣徒歸上下昏迷

厲公經齊

大畜 胎養萌生始見兆形遭逢雷電椎角折頸

采蠶山頭終安不傾

頤 陽春枯槁夏多水潦霜雹俱作傷我禾黍年

歲困苦

大過 三耳六齒痛疾不已齟病蠹鐵墮落其宅

坎 失時無友嘉偶出走僂如喪狗

離 宣重微民歲樂年豐害國無咎君子安喜

咸 登几上車駕駟南遊合散從橫燕秦以強

恒 鳥集茂木心樂願得鳥鵲食穀張口受哺柔

順利貞感戴慈母

遯 啓蟄始生萬物美榮福祉未成市買無贏

大壯 驕胡火形造惡作凶無所能成還自滅身

一作草木黃落歲云暮  
矣唐攻高城大人失福

晉 異國他土出良駿馬去如奔畜害不能傷

一作

避亡東走反入禍口  
制拾爪身骨為灰土

明夷 恪敬競職心不作慝君明臣忠民賴其福

家人 三女求夫伺候山隅不見復關長息憂歎

睽 駕福乘喜東至嘉國戴慶南行離家室居

蹇 四姦為殘齊魯道難前驅執役戒守無患

損 下憂上煩海濶為患歲饑無年

益 雞雉失竄常畏狐狸黃池要盟越國以昌

夬 堅冰黃鳥常哀悲愁不見米粒但觀蓬蒿數

驚鷲鳥為我心憂

姤 五銳鐵頤倉庫空虛市賈為盈與我為仇

元本

有時不我與  
二利為作

萃 竊名盜位居非其家霜隕不實為陰所賊三

年失室

升 賊仁湯德天怒不福斬刈家社失其本域

困 萬物和生螫蟲振起益爵增福日受其喜

井 和氣所生物皆不朽聖賢居位國無凶咎

革 龍遊鳳舞歲樂民喜

鼎 鼎行窘步次伯方舍居安不懼姬妾何憂

震 水深難遊霜寒難涉商伯失利旅人稽留

艮 跛倚相隨日暮牛罷陵原徙傷失利亡雌

漸 一牛九鎖更相牽攀案明如市不得東西請

讞得報日中被刑

歸妹 春桃生花季女宜家受福孔多男為邦君

豐 雷鼓東行稼穡凋傷大夫執政君贊其明

旅 季世君憂亂國淫遊殃禍立至民與以休

巽 發輓溫陽過雨宿房宜時布和無所不通

兌 水中大賈求利十千商人不至市空無有

渙 春草萌生萬物敷榮陰陽和暢國樂無憂

節 左眇右盲目視不明下民多孽君失其常

中孚 悅以內安不利出門憂禍消除公孫何尤

小過 冊書之信言不負語易我麟驥君子有德

既濟 上政搖擾蟲螟並起害我嘉穀季歲無稷

未濟 于旄旌旗執在載郊雖有寶玉無路致之

損之第四十一

損 路多枳棘步刺我足不利旅客為心作毒

乾 鯉鮪鮒鯽積福多魚資所無有富我窮家

坤 景星照堂麟遊鳳翔仁施大行頌聲作興仁

序無明失其寵光 豫之 艮

屯 羊腸九縈相推梢前止須王孫迺能至天

蒙 四手共身莫適所國更相訪接動失事便

需 水流趨下逆至東來求我所有買鱸與鯉 益之

无 妄

訟 春粟夏棗山鮮希有斗千萬石貴不可賤 否之

漸

師 旦往暮還相佑與聚無有凶患

比 大蛇當路使季畏懼湯火之災切直我膚賴

其天幸歸于室廬 屯之 井

小畜 徒足去域亂入陳國有所畏避深藏邃匿

履 海為水宗聰明且聖百流歸得無有叛逆常

饒優足

泰 夏麥麩麴霜擊其芒疚君敗國使年大傷 泰之

賁

否 秋隼冬翔數被履霜雄犬夜鳴家憂不寧



同人樂仁上德東鄰慕梁來安吾國  
大有還憂除殃污泥上義下田爲江

謙暗昧冥語傳相誑誤鬼魅所居誰知卧處

豫南歷玉山東入玉關登上福堂飲萬歲漿

隨比目四翼來安我國福善上堂與我同牀

蠱乘牛逐驥日暮不至路宿多畏亡其駢騅

臨元吉無咎安寧不殆

觀奮翅鼓翼翱翔外國逍遙徙倚來歸温室

噬嗑河伯娶婦東山氏女新婚三日浮雲灑雨

露我管第萬邦蒙祐

賁嬰兒求乳慈母歸子黃麕悅喜得其甘飽

剝貧鬼守門日破我盆毀罍傷瓶空虛無子

復名載重負損棄於野手無誰子但自勞苦

无妄雄狐綏綏登山崔嵬昭告顯功大福允興

大畜嬰兒駭笑未有所識狡童而爭亂我政事

頤十九同投爲雉所維獨得逃脫完全所虧

大過狐濟濡尾來揭得枳季姜懷悔鮑舍魚斃

坎踰足息肩所忌不難金城銅郭以鐵爲關藩

屏周衛安全無患

離 戴堯扶禹從喬彭祖西過王母道路夷易無

敢難者

訟之家訟之人

咸 京庾積聚黍稷以極行者疾至可以厭飽

恒 良夫克姬負理登臺昆季不扶衛輒走逃

遯 天之所予福祿常在不憂危殆

大壯 行觸天綱馬死車傷身無寥賴困窮乏糧

晉 鉛刀切玉堅不可得盡我筋力胝胼為疾

明夷 穆逢百里使孟奮武將軍師戰敗於穀口

家人 有人追亡為言所匿不日而得

睽 府藏之富玉以振貸捕魚河海罟網多得

蹇 鴻飛遵陸公歸不復伯氏客宿

解 鳧過稻蘆甘樂麴麴雖驚不去田峻懷憂

益 兩師娶婦黃巖季子成禮既婚相呼而南膏

澤應時年豐大喜

夬 蓄積有餘糞土不居美哉輪奐出有高車

姤 重門擊柝介士守護終有他道雖驚不懼

萃 大都王市稠人多寶公孫宜賈資貨萬倍

升 秋隼冬翔數被嚴霜甲兵庭堂萬物不生  
 困 招禍致凶來螫我邦痛在手足不得安息  
 井 秦失其鹿高足先得勇夫慕義君子率服  
 革 山陵四塞遏我逕路欲前不得復還故處  
 鼎 一指食肉口無所得舌饒於腹

震 晨夜驚駭不知所止皇母相佑卒得安處  
 艮 擒狼所言語無成全設我白馬使乾口來  
 漸 呼精靈來魄生無憂疾病瘳愈解我患愁  
 歸妹 牧羊逐兔使魚捕鼠任非其人卒歲無功

不免辛苦

豐 堂祥上樓與福俱居帝妣治好國安無憂  
 旅 禹召諸神會稽南山執玉萬國天下康安  
 吳 太姒文母仍生聖子昌發受命為天下主  
 兌 兩目同室兔無誰告與狂相觸蒙我與惡  
 渙 桃雀竊脂巢於小枝動搖不安為風所吹心  
 寒悚惕常憂殆危

節 陽春長日萬物華實樂有利福  
一作春陽盛長萬物成實

福利所鍾

忻忻過日

中孚 鄰不顧我而望玉女身疾瘡癩誰肯媚者  
 小過 涸旱不雨澤竭無流魚鼈乾口皇天不憂  
 既濟 狼虎之鄉日爭凶訟受性貪饕不能容縱  
 未濟 陰住陽疾水離其室舟楫大作傷其黍稷  
 民饑於食亦病心腹

益之第四十二

益 文王四乳仁愛篤厚子畜十男無有夭折  
 乾 下堂出門東西九山逢福值喜得其安閒  
 坤 城上有烏自鳴破家招呼醜毒為國災患

屯 伯虎仲熊德義淵泓使布五穀陰陽順序  
 蒙 飲酒醉卧跳起爭鬪伯傷仲僵東家治喪  
 需 四目相視稍近同執日昝之後見吾伯姨  
 訟 隨時逐便不失利門靈獲得福富於封君  
 師 隴西冀北多見駿馬去如焱颺害不能傷  
 比 白龍黑虎起伏俱怒期戰盤空蚩尤敗走死  
 於魚首 同人之比 蒙之坎  
 小畜 鴻飛戾天避害紫淵雖有鋒門不能危身  
 履 平國不均夏氏作亂烏號竊發靈公隕命

泰 江漢上遊政逆民憂陰伐其陽雄者受殃

否 東家殺猪聞臭腥臊神怒不顧命絕衰國毫

社火燒宋公夷誅

同人 西誅不服恃強負力倍道趨敵師走敗覆

大有 一婦六夫擾亂不治張王季莊莫適為公

政道塞壅周君失邦

謙 配合相迎利之四瀆昏以為期明星煌煌欣

喜頡懌所言得當

豫 猿墜高木不踳手足握金懷玉還歸其室蒙之

隨訟之艮  
否之臨

隨 卷領遁世仁德不害三聖攸同周國茂興需之

震

蠱 去危脫厄安無怵惕上福喜堂見我喜悅

臨 帶季兒良時利權兵將師合戰敵不能當趙

魏以強

觀 鵠思其雄欲隨鳳東順理兩翼出自日中須

畱北邑復反其室

噬嗑 且如驚鹿不能定足室家分散各走鼠匿

且疑作懼

賁 甲乙丙丁俱歸我庭三丑六子入門見母

剝 躡華顛觀浮雲風不搖雨不薄心安吉患無

咎

復 德施流行利之四鄉雨師灑道風伯逐殃巡

狩封禪以告成功

无妄 水流趨下遂成東海求我所有買鱸與鯉

損之需

大畜 和氣相薄膏潤津澤生我嘉穀

頤 憂驚以除禍不成災安全以來

大過 堅冰黃鳥常哀悲愁不見甘粒但覩藜蒿

數驚螫鳥為我心憂

坎 翁翁鞫鞫實墜崩顛滅其令名長命不全泰

謙否之離

離 因禍受福喜盈其身

咸 陸居千里不見河海無有魚市

恒 鹿得美草嗚呼其友九族和睦不憂饑乏益

恒同人之蹇

遯 出門得堂不逢禍殃入戶自苦不見矛戟

大壯 累尊重席命我家客福祐久長不見咎殃

晉 鴻鴈俱飛北就魚池鱸鯉鮎鯉眾鳥饒有一

鳴獲兩得之過倍

明夷 當風奮翼與鳥飛北入我家國見吾慶室

家人 麒麟鳳凰善政得祥陰陽和調國無災殃

睽 逐狐東山水過我前深不可涉失其後便

蹇 丑戌亥子饑饉所生陰為暴客水絕我食

解 狐狸雉兔畏我逃去分走竄匿不知處所

損 傑蹈惡人使得不通炎旱為殃年穀大傷

夬 兔乳立室行來雀食虎攫我子長號不已

姤 土階明堂禮讓益興雄雌相得使我無疾疾一作疾

萃 送金出門并失玉兔往來井上破甕壞盆兔一作兔

升 諷德誦功美周盛隆加其旦輔夫濟冲人夫一作夫

大作

困 盜竊滅身二母不親王后無黨毀其實靈

井 六月睽睽各欲有至專正未裝俟侍明且

革 雀行求粒誤入網罟賴仁君子復說歸室

鼎 仁德孔明患禍不傷期誓不至室人銜恤

震 龜厭江海陸行不止自今枯槁失其都市憂

悔咎生

艮 孤獨特處莫依為輔正心允濟神勞志苦

漸 伯仲言畱叔子云去誰云无咎主母大喜

歸妹 初憂不安後得笑懽雖懼無患

豐 好戰亡國師不以律稱上殞墜齊侯狼戾被

其災崇

旅 鹿生澤陂豺傷其麋淬血獨哀

巽 天地鈐塞仁智隱伏商旅不行利潤難得

兌 福德之士歡悅日喜夷吾相桓三歸為臣賞

流子孫

渙 上無飛鳥下無走獸擾亂未治民勞於事

節 月削日衰工夫下機宇宙滅明不見三光

謙之

觀

中孚 戴盆望天不見星辰顧小失大福逃墻外



小過 握斗運樞順天無憂所行造德與樂並居

既濟 操戟刺魚披髮立憂虎脫我與狼取我袍

亡馬失財

未濟 兩人俱醉相與悖戾心乖不同爭訟匆匆

夬之第四十三

夬 戴堯扶禹從喬彭祖西遇王母道路夷易無

敢難者

乾 狼戾美謀無言不殊允厭帝心悅以獲佑

坤 歲暮花落陽入陰室萬物伏匿絕不可得

屯 鷄鳴失時君騷於憂犬吠不休行者稽顙

蒙 鳧醫遊涇君子以寧履任不愆福祿來成

需 薄為蕃皮勁風吹却欲上不得復歸其宅

訟 東人破車步入危家衡門垂倒無以為主賣

袍續食糟糠不飽

師 青牛白咽呼我俱田歷山之下可以多耕歲

精之節民人安寧

比 異國殊俗情不相得金木為仇百賊擅穀

小畜 陰陽精液高熟脫折治卯成鬼肇生頭目

日有大吉

履 饑蟲作害多亂纏綿不可得秋

泰 清冷如雲為兵導先民人寬急不知東西

否 班馬旋師以息勞疲役夫嘉喜入戶見妻

同人 坐爭立訟紛紛訥訥卒成禍亂靈及家公

大有 鹿食美草逍遙求飽趨走山間過期乃還

肥澤且厭

謙 田鼠野雉意尚欲去拘制籠檻不得搖動

豫 日趨月步周遍次舍歷險致遠無有難處

隨 天孫帝子與日月處光榮於世福祿祺祉

蠱 晨風文翰大舉就溫時過我邑羿無所得

臨 旦生夕死名曰嬰兒不可潛視

觀 疾貧望幸使伯南販開牢擇羊多得大祥

噬嗑 長城驪山生民大殘涉井發難唐叔為患

賁 娶於姜呂駕迎新婦少齊在門夫子歡喜

剝 隨時草木灌時葉起扶疎條桃長大盛美華

汲鑠疎

復 姬姜悅歡二姓為婚霜降合好西施在前

无妄 戴笠獨宿晝不見日勤勞無妄長勞悲思  
大畜 始如元服二十繫室新婚既樂伯季有德  
頤 二至靈臺文所止遊雲物備具長樂無憂  
大過 久陰霖雨塗行泥潦商人休止市空無有  
坎 城壞厭境數爲齊病侵伐不休君臣擾憂上  
下屈竭士民乏財

離 南國盛茂黍稷醴酒可以饗養樂我嘉祐  
咸 憂在心腹內崩爲疾禍起蕭牆意如制國  
恒 朽根削樹花葉落去卒逢大焱隨風疆什

遯 樹表爲壇相與笑言午中不會寵榮棄祓  
大壯 四足俱走駑疲任後兩戰不勝敗於東楚  
晉 執轡在朝回還故處麥秀傷心叔父無憂  
明夷 夜長日短陰爲陽賊萬物空枯藏於北陸  
家人 鳴鳩七子均而不殆長大成就棄合如好  
睽 三羊上山馳至大原黃龍負舟逐到夷陽宛  
其玉囊

蹇 首足易處頭尾顛倒公爲雌姬亂其蠶織  
解 登高望家役事未休王事靡盬不得逍遙

損 畏昏不行候旦待明燎獵受福老賴其慶

益 孤獨特處莫依無輔心勞志苦

姤 山石朽破消崩墜墮上下離心君受其崇

萃 文母聖子無疆壽考為天下主

升 倨傀如儀前後相違言如鯨咳語不可知

困 五龍俱起強者敗走露我苗稼年歲大有

井 雷除善猛雖為功醫驥疲鹽車出於銜筮

革 江南多蝮螫我手足寃煩詰屈痛徹心腹

鼎 心無可據射鹿不得多言少實語無成事

震 君明臣賢民求具友顯德之政可以履立

艮 安土宜官一日九遷踰越羣等牧養常山

漸 保辭解謝除去垢活驚之成患屢去酷殘活疑

汚作

歸妹 不狂嫗育相牽北行欲歸高邑迷惑公得

豐 醉卧道傍迷且失明不合我生

旅 北登鬼丘駕龍東遊王母御后文武何憂

巽 恬淡無患遊戲道門與神來往長出以安

兌 以緡易絲抱布自媒棄禮怠惰卒罹悔憂

渙 被服衣冠遊戲道門以禮相終身無災患

節 天麓魚地陸為海涯君子失行小人相攜

中孚 淵泉溢出為邑之崇道路不通孩子心憤

小過 十里望烟散渙四分形體滅亡可入深淵

終不見君

既濟 傳言相談非好經路鳴鼓逐狼不知迹處

未濟 東失大珠西行棄襦時多不利使我後起

焦氏易林卷之三終



